

Наира Шарафиева

ХОРШУНОСЛИК



Наира Шарафиева

ХОРШУНОСЛИК

(қисқача ўкув қўлланмаси)

Тошкент 2020
"Asian Book House"

85.314

Ш 26

ISBN

978-9943-5879-4-6

Шарафиева, Наира.

Хоршунослик: (Қисқача ўкув кўлланма).— "Asian Book House" нашриёти,

T-2020 Шарафиева, Наира. Хоршунослик



КИРИШ

ХОР ИЖРОЧИЛИГИ МУЗИКА САНЪАТИ ТУРИ СИФАТИДА

Хор ижрочилиги ҳозирги кунда кенг тарқалган асл халқ санъати турларидан биридир. Коллектив ижрочилиги одамларда чуқур эстетик завқ уйғотибина қолмай, уларни жипслаштиради, коллектив бўлиб бирлашишга олиб келади ҳамда маънавий савиасини, бадний дидини оширишга ёрдам беради. Бу, кўпчиллик бир гоя билан уюшди, ягона ижрочилик мақсади томон йўналтирилди дегани, яъни бошқача қилиб айтганда, сўз ва музикадаги туйғу бир одам орқали эмас, бир гуруҳ одам томонидан ифода этилишидир. Хонандалик жозибаси билан ҳайратга соловучи ўзига хос санъатдир. У инсоннинг энг яхши ҳис-туйғуларини уйғотиб, ҳаяжонлантириш, қизиқтириш хусусиятига эга. Шу сабабдан хор иштирокчилари билан бир қаторда тингловчиларнинг ҳам бадний-гоявий тарбияланишидаги роли жуда катта.

Тарбия воситаси сифатида хор ижрочилигининг анъаналари қадим даврларга бориб тақалади. Кўпмиллатли халқимиизнинг воқеаларга бой бўлган бутун тарихи қўшиқ билан боғланган ва унда ўз аксини топган. Илфор рус музыка санъати намояндадари хор ижрочилигини тарғиб қилишарканлар, айни пайтда халқнинг мусиқавий саводини ошираётганликларини яхши билишган. Улуғ рус тарғиботчиси ва педагог К. Д. Ушинский айтганидек: «Қўшиқда ва айниқса хор ижросидаги қўшиқда умуман бир томондан инсонни жонлантирувчи ва ботинан ҳаракатга соловучи сифатлар бўлса, бошқа томондан меҳнатни ташкил қилишга, бирдамлик билан бирор мақсадга эришишга ундовчи хислатлар бор. Шу сабабдан қишлоқ аҳли меҳнат жараённада иш кучини бирлаштириш учун хор қўшиқларидан кенг кўламда фойдаланадилар, ана шунинг учун ҳам мактабда қўшиқни жорий қилиш талаб қилинади: у бир қанча алоҳида туйғуни ягона кучли туйғуга бирлаштиради ва бир қанча қалбни ягона, теран ҳис қилувчи қалбга айлантиради, кўпчилликнинг кучи билан билим олиш мashaққатлари устидан ғалаба қилиниши керак бўлган мактабда бу жуда муҳим»¹. К. Д. Ушинскийнинг бу мулоҳазаларидан қўйидагича хуласа қилиш мумкин: болаларда ватанпарварлик, инсонпарварлик туйғулари ва коллектив бўлиб бирлашиш каби хислатларни тарбиялашда хор ижрочилиги жуда катта аҳамиятга эга. Дарҳақиқат, ижро жараённада болалар хор бўлиб куйланган қўшиқ бир

¹ Ушинский К. Д. Избранные педагогические произведения (Ташланган педагогик асарлар). М., 1968, 436-бет.

овозли ижрота нисбатан таъсирчан ва ифодалироқ эканлигини англайдилар. Хор ижрочиликнинг бундай хосиятини англаш болаларга катта таъсир кўрсатади.

Хор санъати бир томондан ижрочиликнинг энг оммавий шакли бўлса, бошқа томондан аксарият хислатлари билан ўзига хос индивидуал характерга эга. Ижрочилик маҳорати, куйлаш усули, репертуари, хор раҳбарининг қобилияти каби индивидуал характердаги хислатлар хор коллективининг ижодий «қиёфа»сини бошқасидан ажратиб туради.

Хор ижрочилиги музика санъати тури сифатида икки — академик ва халқ ижрочилиги йўналишларида ривожланиб келмоқда. Куйлаш усули, товуш ҳосил қилиш характери, овозларнинг тембр турланиши, ижрочилик техникаси усуллари ва ифодалаш восита-таларининг имкониятларига қараб хор ижрочилик услуги аниқланади. Академик хорларнинг асосий вазифаси рус, совет ва чет эл классик асарларнинг энг яхши намуналарини ижро этиш ва тарғиб қилишдан иборат. Бу асарлар ижронинг академик услубига тўғри келади ва академик хор хонандалиги мактаби ҳисобланади. Асарлар дирижёр бошчилигида ва фортепиано жўрлигига ижро этилади. Куйлаш усули ниқобдор ҳолда бўлиб, товуш равон, овозлар хор партияларига аниқ бўлинган бўлади. Академик йўналишдаги хорларга А. Юрлов номидаги Республика академик рус хор капелласи, Эстония эркаклар академик хори, Москва камер хори, М. И. Глинка номидаги Ленинград академик капелласи, «Думка» — академик хор капелласи, Арманистон давлат хор капелласи, Узбекистон Филармония қошидаги хор капелласи ва бошқалар киради.

Халқ хорларининг асосий вазифаси илгари яратилган халқ қўшиқларини замонавий руҳда қайта ишланган энг юксак намуналарини, шунингдек, совет композиторларининг халқ хори учун яратган оригинал асарларини ижро этиш ва тарғиб қилишдан иборат. Халқ хорлари дирижёrsиз, баян ёки бошқа халқ чолғу асбоблари жўрлигига қўшиқ ижро этилади. Куйлаш усули очиқ овозли, нутққа яқин ва халқ ижрочилик анъаналарига асосланган, овозлар партияларга аниқ бўлинмаган бўлади. Кўпинча халқ хори рақс иштирокида ижро қиласиди. Халқ хорларига М. Пятницкий номидаги Давлат рус халқ хори, Г. Веревка номидаги Давлат украин халқ хори ва бошқалар киради. Узбекистон телевидение ва радиоси қошидаги миллӣ хорни ҳам шу қаторга қўшиш мумкин.

РУС ХОР САНЪАТИ ТАРИХИДАН

Рус хор ижрочилиги икки — халқ ижрочилиги ва черков ижрочилиги йўналишида ривожланиб келган. Биринчиси миллий музика маданиятининг ривожланишига асос бўлган, иккинчиси рус профессионал хор ижрочилик мактаби юзага келишинга сабаб бўлган.

XV асрда ташкил қиласиган подшолик хонанда дъяклар хори (кейинчалик Петербург Сарой хонандалар капелласи) ва XVI

асрда юзага келган патриарх хонанда дъяклар хори (кейинчалик Москва синодал хори) биринчи рус профессионал хорлари бўлган. Улар черков маросимларида ва тантанали байрамларда қатнашган. Хонандалар (хор артистлари) деярли гўзал овозга эга бўлиб, улар бутун Россиядан танлаб келтирилган. 1732 йили Чернигов губернасиининг (Украина) Глухов шаҳрида махсус хонандалар мактаби очилиб, 40 йил мобайнида у Сарой хонандалар капелласини етакчи ижрочилик билан таъминлаб турган.

Черков ижрочилиги узоқ вақт давомида қобилиятли ижрочилик, регентлар (хор раҳбарлари), композиторлар маркази бўлиб келган. Атоқли рус композиторлари Д. Бортнянский ва М. Березовскийларнинг ижодий фаолияти Сарой хонандалар капелласи билан узвий боғлиқ.

XVII—XIX асрларда кўпчилик дворян ва помешчиклар ўз қарамоқларидағи крепостной деҳқонлардан тузилган хорларни ташкил этганлар (граф Шереметьев капелласи, князь Ю. Голицын хори ва бошқалар). Бу капеллаларнинг ижрочилик маҳорати жуда юксак бўлган. Хорларни қобилиятли крепостнойлар бошқаргандар, улар орасидан С. Дегтярев, Г. Ломакин каби хор санъатининг йирик усталари етишиб чиқсан.

XIX асрнинг иккинчи ярмидан адабиёт ва санъатда демократик ҳаракат кучайиши натижасида рус хор санъатида тақвадорликдан воз кечиш ва омманинг талабига жавоб берувчи асарларни тарғиб қилиш ривожланган. Бу даврда М. Балакирев томонидан «Бепул музика мактаби», «Бесплатная музыкальная школа» профессионал ва ҳаваскор хорлар ташкил қилинди (Архангельский Юхов хорлари, Рус хор жамияти ва бошқалар). XX асрнинг бошларида революцион ҳаракат кучайиши натижасида ишчи ва талабалар хорлари юзага келади (Университет хори, Пречистенск ишчи курсларининг хори, ҳалқ консерваториясининг хори ва бошқалар).

Хор ижодиётининг ижрочилик билан узвий болганданлиги рус хор санъатининг кенг ривожланишига катта таъсир кўрсатди. П. Чайковский, С. Танеев, С. Рахманинов, Вик. Калинников, П. Чесноков, Н. Римский-Корсаков, А. Аренский, А. Кастальский, Ц. Қюйларнинг энг яхши хор асарлари машҳур хор коллективлари — Москва синодал хори, Петербург хонандалар капелласи, Рус хор жамиятининг хори ва бошқалар билан ижодий ҳамкорлигин жараёнида яратилди. М. Балакирев, Н. Римский-Корсаков каби бир қатор композиторлар Бепул музика мактабининг хорига раҳбарлик қилганилар.

ХОР САНЪАТИНИНГ РИВОЖЛАНИШИ

Улуғ Октябрь социалистик революциясидан кейин хор маданияти, умуман музика санъати каби кенг ривожланиш имкониятига эга бўлди. Хор ижрочилиги ҳалқ манфаатига хизмат қилишига қаратилди: Сарой хонандалари капелласи ва Москва

синодал хори каби колективлар халқ хор академияларига айлантирилди.

Асримизнинг 20-йилларида мамлакатимизда хор ҳаваскорлик тұғаракларини ташкил қилиш оммавий тус олди. Бутуниттифоқ фестиваллари, хор олимпиадалари, құшиқ байрамлари, күриклар, конкурслар кенг оммани жалб қылды, одамларни хорларда иштирок этишида, хор маданиятини оширишда катта ажамиятга эга бўлди. Хор байрамлари ва олимпиадаларни ташкил этишда, уларни юксак даражада ўтказишида А. Егоров, А. Давиденко, Н. Данилин, И. Немцов каби хор санъати усталарининг қўшган ҳиссалари жуда катта.

Академик хорлар фаолияти билан бир қаторда хор ижрочилигининг янги шакллари — халқ хорлари, ашула ва рақс ансамбллари юзага келди. Россиянинг турли областларидаги — Воронеж, Урал, Омск давлат халқ хорлари, Шимол халқ хори, Дон ва Кубань казакларининг қўшиқ ва рақс ансамбллари ва бошқалар кенг ривож топди.

Москвада ўтказиладиган анъанавий миллий санъат декадалида (1936—1960 йиллар) Арманистон, Озарбайжон, Ўрта Осиё республикаларининг хор колективлари ўзларининг ижрочилик ютуқларини намойиш қылдилар.

Октябрь революцияси халқтарнинг миллий хор маданияти ривожи учун кенг имконият яратди. Болтиқбўйи республикаларидаги хор санъатининг юксак даражага эришганини ҳар беш йилда ўтказиладиган анъанавий қўшиқ байрами мисолида кўриш мумкин. Украина, Белоруссия, Молдавия, Закавказье республикаларининг хор санъати катта ютуқларни қўлга киритди. Белоруссия, Украина («Думка»), Молдавия («Дойна»), Арманистон, Грузия хор капеллалари актив концерт фаолиятини олиб боряптилар.

Ўрта Осиё республикалари ва Қозогистон халқлари хор музика маданиятини Октябрь революциясидан кейин ўзлаштириб олиб, катта ютуқларга эришди. Ўзбекистон ва Қозогистон хор капеллалари, Ўзбекистон телевидение ва радио комитети қошидаги хор коллективи, Фрунзе шаҳар камер хори кўп изланишлар натижасида эришган катта маҳоратини намойиш қилмоқда. Қалмоқ, Удмуртия, Абхазия, Осетия хор санъати мустаҳкам ривожланиб бормоқда.

Болалар хор ижрочилиги кенг ривожланиб, ҳозирги кунда яна-да камолотга эришмоқда. Мамлакат бўйлаб хор студиялари, умумтаътих мактаблари базасида хор музика масканлари, хор тўға-раклари ташкил қилинмоқда. Қўшиқ байрамлари, болалар музика ижоди фестиваллари кенг кўламда ўтказилмоқда. Бадиий тарбия институти қошидаги Болалар хори¹ (В. Соколов раҳбарлигига), «Пионерия» хор студияси (Г. Струве раҳбарлигига), СССР телевидение ва радиоси қошидаги Катта болалар хори (В. Попов раҳбарлигига) ва бошқа бир қанча болалар хор колективлари ўзла-

¹Хор института художественного воспитания Академии педагогических наук

рининг юксак ижрочилик маҳоратини намойиш қилиб келмоқдалар.

Совет хор санъати А. Давиденко, М. Климов, А. Никольский, П. Чесноков, Н. Данилин, Г. Дмитриевский, А. Александров, А. Егоров, К. Пигров, Д. Локшин, И. Лицвенко, А. Свешников, А. Юрлов, В. Соколов, С. Казачков, К. Птица, А. Михайлов, В. Минин каби бир қатор ажойиб хор дирижёрларини, таникли жамоат арбобларини, хор ижодининг назариётчи ва амалиётчиларини етказиб берди. Партия ва ҳукуматимиз атоқли хормейстерлар фаолиятини юксак баҳолади. Б. Александров, А. Свешников, В. Соколов, К. Птица, Г. Эрнесакс СССР халқ артисти увонига сазовор бўлиб, А. Свешников, Б. Александров, Г. Эрнесакс, А. Юрлов, В. Минин СССР Давлат мукофоти билан тақдирланган.

Совет хор санъатининг ривожланишида совет композиторларининг хор ижоди катта роль ўйнади. Профессионал ва ҳаваскор хор коллективлари репертуарининг асосий қисмини С. Прокофьев, Д. Шостакович, В. Шапорин, М. Коваль, Г. Свиридов, В. Салманов, А. Ленский В. Шебалин, Р. Бойко, А. Флярковский, Р. Шчедрин ва бошқа совет авторларининг хор асарлари ташкил қиласди. Композиторлар билан хор коллективлари, жумладан, Москва камер хори билан Г. Свиридов, А. Юрлов номидаги Республика Рус академик хори билан Г. Свиридов ва бошқалар ўртасида яқин ижодий алоқа анъаналари давом этиб келмоқда.

УЗБЕКИСТОНДА ХОР САНЪАТИНИНГ РИВОЖЛANIШИ

Узбек музикасининг асоси монодик (бир овозли) бўлганлиги сабабли кўп асрлар давомида кўп овозли хор ижрочилиги амалда қўлланмаган. Хор санъати республикада Улуг Октябрь социалистик революциясидан кейин ривожлана бошлади. Кўп овозли хор дастлаб музикали драма ва комедияларда халқ музикасини хорга мослаб қайта ишланган ҳолда қўлланилди. С. Василенко ва М. Ашрафийнинг «Бўрон», Р. Глиэр ва Т. Содиқовларнинг «Лайли ва Мажнун» каби биринчи ўзбек опералари кўп овозли ўзбек хор ижрочилиги ривожида катта роль ўйнади. 1952 йили С. Валенков раҳбарлигига ташкил этилган Ўзбек хор капелласи, шунингдек М. Бурҳонов, С. Бобоев, Ик. Акбаровларнинг биринчи хор асарлари республикада хор ижрочилигининг ўсишига йўл очиб берди.

Кўп овозли хор санъатининг жадал ривожланиши 50—60-йилларга тўғри келади. Ҳар йили қўшиқ байрамлари, фестиваллар ўтказилиб, унда кўп мингли хор коллективлари қатнашди.

Ўзбекистонда миллий профессионал хор санъати юзага келишида 1961 йили республика телевидение ва радиоси қошида ташкил этилган Б. Умиджонов раҳбарлигидаги хор коллективи муҳим ҳисса қўшди. Бу хор радио ва телевидение орқали хор санъатини актив тарғиб қилиб келяпти. ЎзССР халқ артисти, дирижёр ва композитор Б. Умиджонов хор коллективининг раҳбаригина бў-

либ қолмай, унинг репертуарини яратувчиси ҳамдир. Унинг ижодий бойлиги Ўрта Осиё ва Қозоғистон халқларининг 50 дан ортиқ оригинал ва қайта ишланган қўшиқларини ўз ичига олади. Актив концерт фаолияти ва хор музикаси тарғиботчилиги учун 1982 йилда Узбекистон телевидение ва радиоси хори Республикада хизмат кўрсатган колектив номига сазовор бўлди.

Кейинги йиллар давомида республикамида болалар хори кенг ривожланиб, ўз ижрочилик маҳоратини ошириб келмоқда. Ҳар йили республикада ўтказиладиган анъанавий «Санъат байрами» кўрик-конкурси музика ва умумтаълим мактабларининг кўпдан-кўп хор колективларини жалб қилмоқда.

Ўзбекистонда етакчи болалар хор колективларидан бири республикада хизмат кўрсатган артист, Ўзбекистон Ленин комсомоли мукофотининг лауреати Ш. Ерматов раҳбарлигидаги Ўзбекистон телевидение ва радиосининг «Булбулча» миллий болалар хоридир. Бу хор колективи Москва, шунингдек Югославия, Финляндияда ижрочилик маҳоратини мувваффақият билан намойиш қилди.

Музика билим юртларида, маданий-оқартув техникумларида, педагогика билим юртларида, педагогика институтларида, маданият институти ва консерваторияда кўплаб хор колективлари мавжуд. Ҳар йили М. Ашрафий номидаги Тошкент Давлат консерваториясида шаҳар хор колективларининг «Хор музикаси ҳафтагиги» кўргири ўтказилади.

Ўзбекистон композиторлари хор музикасининг турли жанрларида ижод қилиб мувваффақиятга эришмоқдалар.

А. Ҳамидов раҳбарлигидаги Ўзбекистон ССР давлат филармонияси қошидаги хор капелласи, Б. Умиджонов раҳбарлигидаги Ўзбекистон телевидение ва радиоси хор колективи, М. Бурҳонов, Ик. Акбаров, С. Бобоев, М. Насимов, Н. Зокиров, М. Бофоев каби ўзбек композиторлари билан ижодий ҳамкорликда иш олиб бормоқдалар.

Ўзбекистон хор санъати ривожидаги бу ўзгаришларга қарамай, республика хор санъати арбоблари олдида катта вазифалар турибди.

I БОБ

ХОРЛАРНИНГ ТУРЛАРИ ВА ҚУРИНИШИ

«Хор — бу вокал музикани чолғу асбоблар жүрлигінде ёки жүрсиз (а — *cappella*) ижро этувчи хонандалар коллективи»¹. «Хор» атамаси юнонча «choros» сүзидан олинган бўлиб, «тўда, йигин» маъносини билдиради. Кўп вақтлардан буён хор опера, оратория, кантата, баъзан симфонияда қўлланилади. Музика амалиёти давомида хорнинг ҳар хил турлари («тип хора») ва кўриниши («вид хора») пайдо бўлди.

Хор тури хорнинг тузилиш сифатига қараб аниқланди. Туринга кўра хор бир хил ёки аралаш тузилишда бўлиши мумкин. Бир хил тузилишдаги хорларга алоҳида эркаклар хори, аёллар хори, болалар хори киради. Аралаш хорга болалар билан аёллар хори, аёл ва эркаклардан иборат хорлар киради.

Хор кўриниши хорни ташкил қилувчи мустақил хор партияларининг сони билан белгиланади: иккى овозли хор, уч овозли хор, тўрт овозли хор ва ҳоказо. Ҳар бир хор партияси маълум бил жойда 2—3 овозларга бўлинниши мумкин. Бундай бўлинниш дивизи (итальянча *divisi* — бўлинган) дейилади. (1-мисолга қаранг).

“ДИЛОГОМ” операсидан

М. Ашрафий

Допущки (Кыслар)

N^o 1. *Allegro (giusto)*

C. *p*
Сним стрел-ки!

A. *p*

Схотники (Овчилар)

T I
T II
L
Лут пре-гра-диты!

Лут про-грит-иты!

И. В. Романовский. «Хоровой словарь». М., 1980 йил, 124-бет.

Аралаш хор одатда тўрт овозлиликдан иборат. Лекин бундан ҳам кўп овозга мўлжалланган хор асарлари ҳам учрайди. Дивизи туфайли аралаш хор 6—12 овозли ифодага эга бўлиши мумкин. Хор адабиётида икки-уч ва ундан ортиқ мустақил овозлар группаси (ижросига мўлжалланган кўп овозли асарлар) алоҳида бўлимни ташкил қиласди. Қўш ва учталик хорлар йирик опера саҳналарида учрайди.

ХОР ПАРТИЯЛАРИ

Хор коллективини ташкил этиш шартларидан бири ҳар бир хор партиясини овозлар билан тўғри таъминлашдир. Диапазон¹, тембр² ва овоз кучи жиҳатидан бир-бiriга яқин бўлган ашулачилар гуруҳига хор партияси дейилади. Хор заму, тўртта асосий партияларга тақсимланган овозлардан ... , ... , ... , ... сопрано ва альт — аёллар овози, тенор ва бас — эркаклар овози.

ХОР ПАРТИЯЛАРИНИНГ ТАРКИБИ

Хор партияларининг таркиби баланд ва паст овоз групплари киради. Хор партияларининг баланд овозлари биринчи I, паст овозлари эса иккинчи II овозлар деб юритилади. Биринчи овозлар групласига асосан барча лирик овозлар, иккинчи групласига драматик овозлар киради.

Сопрано партийси:

Сопрано I

Сопрано II

лирик — колоратурали,
лирик

лирик — драматик,
драматик

Альт партийси:

альт I

альт II

меццо — сопрано,
Лирик меццо — сопрано

драматик меццо — сопрано,
контральто

Диапазон — (юнонча dia pason chordon) — музика асбоби ё овоз ҳажми.

² Тембр — (французча timbre) — товуш тузи.

Тенор партияси:

Тенор I

Тенор II

тенор — альтню,
лирик тенор

драматик тенор

Бас партияси:

Бас I

Бас II


лирик баритон
драматик баритон

марказий бас,
октавачилар


Хорда лирик ва драматик овозларнинг қўлланиши хор партиясининг ранг-баранг тембр хусусиятларини юзага келтиради ва бадий ифода имкониятларини тўлиқ намоён қиласди.

Диапазонлари:

№2 Умумий диапазони:



Ишчан диапазони:



АЁЛЛАР ХОРИ

Аёллар хори сопрано ва альт партияларидан иборат. Диапазон зони 2 октавадан ошиқроқ (фа-соль — ля²). Одатда аёллар хори СІ—СІІ ва альт овозларини ўз ичига олади. Тўрт овозли аёллар хори I—IІ сопрано ва I—IІ альт овозларидан ташкил қилинади. Альт партияси овозларини группаларга бўлиш кам учрайди. 5—6 ва ундан ортиқ овозли аёллар хори деярли учрамайди. Кўпчилик ҳаваскорлик, ҳалқ ва профессионал аёллар хори бадий ижрочиликда катта ютуқларга эришган. Масалан, Ленинград шаҳар Қапранов номидаги Маданият уйининг Академик аёллар хори, Рига шаҳар «Дзинтарс» аёллар ҳалқ хори, Таллин политехника институтининг Академик аёллар хори, Шимол рус ҳалқ қўшиқлари хори ва бошқалар шулар жумласидан.

ЭРКАКЛАР ХОРИ

Эркаклар хори тенор ва бас партияларидан иборат. Диапазон З октавадан ортиқ (ля — катта ля¹ — до²). Эркаклар хори ТІ—ТІІ ва баслардан ёки тенорлар, баритонлар ва баслардан ташкил қилинади. Тўрт овозли эркаклар хори I—IІ тенорлар ва I—IІ баслардан тузилади. Эркаклар хори катта ижрочилик имкониятига эга ва репертуари бой. Мамлакатимизда Болтиқбўйи, Грузияда, социалистик мамлакатлардан Болгария, Чехословакияда эркаклар хори кенг тараққий этган бўлиб, миллӣ хор маданиятининг асоси ҳисобланади. Ижрочилик йўналиши бўйича ҳалқ хори, академик хор, шунингдек ашула ва рақс ансамблари турига бўлинади. Профессионал хорлардан эркаклар академик хори (Эстония), Қизил байроқли А. Александров номидаги Совет Армияси ашула ва рақс ансамбли, Моравия ўқитувчилар хори (ЧССР), «Дзиедонис» эркаклар ҳалқ хори (Рига) ва бошқалар кенг танилган.

БОЛАЛАР ХОРИ

Болалар хори дисканттар (сопрано) ва альт партияларидан иборат. Улар ёшлинига кўра уч группага бўлинади:

- 1) мактаб ёшидаги кичик группа (кичик хор 7—10 ёш);
- 2) мактаб ёшидаги ўрта группа (ўрта хор 11—13 ёш);
- 3) мактаб ёшидаги катта группа (катта ёки ўсмирлар хори 14—18 ёш).

Ўсмирлар хори (икки овозли) фақат катта ёшдаги ўсмир болалардан ташкил топади. Мактаб ёшидаги катта группа аралаш ёшлар хорини (сопрано, альт ва ўсмир болалар) ташкил этиши мумкин. Хор билим юртларида, пионер саройларида, хор студияларида 7—15 ёшдаги ўғил болалардан тузилган маҳсус хорлар ҳам мавжуд. Тўрт овозли аралаш турларидан бири ўғил болалар ва

ұсмирлар (тенорлар ва баслар)дан ташкил топған хордир. Бунга мисол қилиб Лейпцигдаги «Томанер хор», Дрездендаги «Кройц хор»ни, Латвиядаги «Ажуолюкас» хорини күрсатыш мүмкін. Москадаги бадий тарбия институтининг хори, В. Локтев номидаги Ашула ва раңс ансамбли, Бутуниттифоқ телевидение ва радиосыннинг Болалар катта хори, «Пионерия» хор студияси, болгар хоря, Таллин Пионерлар саройининг «Эллерхайн» хори ва бошқа күп болалар хори юксак ижрочилик маҳоратини намойиш қилишмоқда.

АРАЛАШ ХОР

Музика амалиётида түрт хор партияси (сопрано, альт, тенор, бас)дан иборат түлиқ таркибдаги аралаш хор бошқа хор турла-рига нисбатан кенг тарқалған. Диапазони түрт октавадан ошиқ

контр (ля — до³). Бу хорнинг ижрочилик имкониятлари кенг ва хилма-хил. Тембр ранг-баранглиги, техник имкониятларининг кенглиги, динамик белгиларга бойлыги (РР дан — ff гача) жиҳатидан аралаш хор энг мураккаб асарларни ижро қилиш имкониятига эга. Аралаш хорнинг (овозлар сони жиҳатидан) ранг-баранг «күп қатламли» садоланишини симфоник оркестри садоланишига үхшатыш мүмкін.

Москва Камер хори, Москва Ёшлар ва студентлар хори, М. Глинка номидаги Ленинград Академик хори, Арман хор капелласи, ЧССР Моравия ўқитувчилар хори, Болгария хорлари ва бошқалар ижрочиликда ажайиб ютуқларни қўлга киритганлар.

ТҮЛИҚ БҮЛМАГАН АРАЛАШ ХОР

Түлиқ бўлмаган аралаш хор бирор хор партияси етишмайдиган хордир. Бу хор учта хор партиясининг турди вариантдаги бирикмасидан иборат:

- 1) С+A+T,
- 2) СI+CII+T ёки Б,
- 3) С+T+B,
- 4) A+T+B,
- 5) С+A+B.

Энг кўп учрайдиган тури сопрано, альтлар ва бирлашиб бир овоз бўлиб куйловчи эркаклар овози (С+A+TB)дан ташкил топған хордир. Эркаклар хорида тенор, баритон ва бас партиялари диапазонидан түлиқ фойдаланмаслиги сабабли бундай хорнинг вокал ижрочилик имкониятлари чекланған. Эркаклар партияси катта

диапазони До — ре¹.

Түлиқ бўлмаган аралаш хор кўпинча бадий ҳаваскорликда ва драматургия хусусиятлари талаб қилған ўринда опера асарларидан қўлланилади.

23

Allegro non troppo

PP-Նօր թօշակ (Եղիսաբէթ Առաք)

А. Козлівський

A

Хор послов (Элчилик хори)

T

Хор гостей (Меджмайлик хори)

ХОРНИНГ СОН ЖИХАТИДАН ТАРКИБИ

Уз сон жиҳатидан таркиби бўйича хор колективлари кичик, ўрта ва катта хор бўлиши мумкин.


Кичик хорга сони 16—30 кишидан ошмайдиган камер хорлар киради (Москва камер хори, Ригадаги «Ave Sol» камер хори). Ўрта хор 30 дан 60 гача хонандалардан иборат бўлади (Ўзбек хор капелласи, Ўзбекистон телевидение ва радиосининг хор колективи). Катта хор одатда 80—120 кишидан ташкил топиб, кўп овозга мўлжалланган ҳар хил мураккабликдаги хор асарларини ижро этиш имконига эга. Машҳур хор коллективларидан Бутуниттифоқ радио ва телевидениесининг Катта хори 95 киши, Ленинград Академик капелласи 90 киши, Эстония Давлат эркаклар хори 80 киши, СССР Катта театрининг хори 85 киши.

Кўшиқ байрамлари, намойишлар, митинглар, фестивалларда қўшма хорлар жуда кўп кишиларни ўз ичига олади. Мисол учун, Болтиқбўйи республикаларининг анъанавий қўшиқ байрамларида 15 мингдан 30 минггача ижрочи қатнашади. 60-йилларнинг бошида Ленинграддаги Сарой майдонида ўтказилган қўшиқ байрамларининг бирида 200—250 минг ижрочи йигилди.

ХОРНИ САҲНАДА ЖОЙЛАШТИРИШ


Концерт эстрадаларида ва репетиция вақтида хор партияларини ўз ўрнига жойлаштириш унинг созланишига, турлича тур ватипчаги хорнинг уйгун қўшма садосига эришишда катта аҳамиятга эга. Хор одатда махсус зинапояга ўхшаш мослама (станок)-ларда жойлашади.

Амалиётда хорнинг анъанавий жойлаштирилиши қуидаги:



Бундай жойлаштириш кўпинча эркаклар ва аёллар овозининг бир-бири билан оқтавали қўшилувчи опера хорларига характерлайдир.

Баъзан дирижёр хорни қуидаги жойлаштириши ҳам мумкин:



Бу принципга асосланиб жойлаштиришда баланд ва паст овозларнинг тембр жиҳатидан қарама-қаршилиги ошади, натижада юксак даражадаги бадий садоланишига эришилади. Шу сабабли бундай жойлаштириш капеллаларда кўпроқ учрайди.

Эстрадада хор жойланишининг схемаси ёйсимон ёки тўғри чизик ҳолида бўлиши мумкин. Жўрсиз ижрочилик ҳолларида колективни ёйсимон шаклда жойлаштириш маъқул бўлади, чунки садо товуш фокусида тўпланиши керак. Тўғри чизик ҳолида жойлаштириш кўпинча яхши овоз акустикасига эга бўлган катта залларда, шунингдек хор асарларини оркестр жўрлигида ижро этиш ҳолларида қўлланилади.

тенорлар сопранолар	баслар альтлар
------------------------	-------------------

оркестр

Хор партиялари хор раҳбарларининг индивидуал нуқтаси назарига кўра бошқача жойлаштирилиши ҳам мумкин.

Сўнгги вақтда хорларни (кўпинча камер хорларни) квартет бўйича жойлаштириш учрамоқда. Бу эса ижодий вазифалар ва хор ижрочилигини саҳналаштириш элементларини киритиш билан боғлиқ. Бундай жойланиши Москва камер хори, Рига «Ave Sol» камер хорининг айрим концерт чиқишлиарида кузатиш мумкин.

Болалар хорида овозларнинг қуидагича жойланиши кенг тар-
қалган:

II сопранолар I

альтлар II

Акустик шарфитни ҳисобга олган ҳолда, хорни аниқ ва доимий жойлаштириш принципи хор садоланишига яхши имкон туғдирувчи муҳим омилдир. Овоз кучига, унинг интонациясининг турғунлигига кўра, хонандани хор партиясида эгаллайдиган ўрнини аниқлаш ва қатънилаштириш лозим. Бундай мақсад хорнинг созланишини сақлаш, тембр бирлигига, партиядага ансамбль бирлигига эришишга ёрдам беради.

АМАЛИЙ ТОПШИРИҚЛАР

I. Қуидаги асарларда хорнинг тури ва кўринишини аниқланг:

- 1) П. Чайковский. «Мазепа» операдаги хор ва она марсияси;
- 2) Ш. Гуно. «Фауст» операсидаги солдатлар марши;
- 3) М. Ашрафий. «Узбекистон» кантатасидаги аскарий марш;
- 4) С. Танееев. «Вечерняя песня»;
- 5) С. Юдаков. «Мирзачўл» сюитасидаги «Теримчилар қўшифи»;
- 6) Ш. Рамазонов. «Узбекистон»;
- 7) Ю. Чичков. «Ленин идёт по планете» («Ленин планета бўйлаб одимламоқда»);
- 8) «Юношеский хор» («Усмирлар хори») тўплами.

II. Граммофон пластинкасдан тинглаш:

- 1) А. Аренский. «Анчар»;
- 2) Ж. Верди. «Травиата» операсидаги лўли ва матадорлар хори;
- 3) М. Глинка. «Руслан ва Людмила» операсидаги «Не тужидите родимое» («Қайғурма, меҳрибоним болам») хори.
- 4) А. Бородин. «Князь Игорь» операсидаги «Қинчоқлар дозорининг хори».

III. Қуидаги асарларда ҳар бир хор партиясининг умумий диапазонини аниқланг:

- 1) В. Мурадели. «Красная Пресня»;
- 2) Р. Глиэр ва Т. Содиқов. «Лайли ва Мажнун» операсидаги финал хор;
- 3) Б. Умиджонов қайта ишлаган «Бахт ялласи»;
- 4) М. Бурҳонов қайта ишлаган «Гўзал қизга» қўшифи.

IV. Қуидаги асарларда ишchan диапазондан четга чиқувчи товушларни аниқланг:

- 1) М. Коваль. «Что ты клонишь над водами»;
- 2) Ик. Акбаров. «Хорал»;
- 3) А. Козловский. «Улуғбек» операсидаги меҳмонлар хори»;
- 4) Г. Свиридов. «Поэма памяти Есенина» («Есенин хотирасига поэма»)нинг 2-қисми («Поёт зима»— «Киш кўйламоқда»).

II БОБ

ОВОЗ АППАРАТИ ВА УНИНГ ИШЛАШ ПРИНЦИПИ

Товуш ҳосил бүтиши овоз аппаратининг ҳаракати натижасида содир бўлади. Бу аппарат уч қисмдан иборат: 1) Нафас органлари (ўпка, бронх, трахея — томоқнинг нафас йўли); 2) ҳиқилдоқ (овоз пардалари жойлашгап қисм); 3) резонаторлар (ютқин, оғиз ва бурун).



Овоз аппаратининг ҳар бир қисми бир-бпри билан чамбарчас боғланган. Товуш қуйидагича ҳосил қилинади: ўпкадан чиқастган ҳаво оқими бронх, трахея орқали томоққа келади ва у ерда овоз пардалари тўсифга учрайди. Ҳаво босими таъсирида овоз пардалари ҳаракатга киради, уларнинг такрорий очилиб ёпилиши ва тебраниши натижасида ҳаво тўлқинлари — товуш ҳосил бўлади.

Товуш ҳосил қилиш билан боғлиқ бўлмаган ҳолдаги одатдаги нафас олиш жараёнида овоз пардалари сокин ҳолатда бўлиб, ҳаво уч бурчак шаклидаги овоз тешигидан эркки ўтади. Товуш ҳосил бўлишида овоз тешиги тораяди. Товуш баланд пардаларга кўтарилиган сари овоз тешиги торайиб боради ва энг юқори парда товушларига етганда тешик беркилади.

Овоз пардалари:

а) нафас олганда

б) товуш ҳосил қилиншда



Овоз пардаларининг узунлиги ва қалинлиги турлича: бас ва баритонларнинг овоз (пардаларининг) узунлиги тахминан 22—25 мм, тенор ва меццо-сопраноларники 18—22 мм, сопраноники 14—19 мм. Қалинлиги ҳам ҳам ҳил бўлиб, сопранода 2 мм дан басларда —5 мм гача боради.

Товуш тебранишининг тезлиги, яъни товуш баландлиги овоз пардаларининг тортилиш (тарангланиш) даражаси билан боғлиқ; тебраниш қанча тез бўлса, товуш шунча юқори пардаларга кўта-



рилади. Бироқ пардалар ҳосил қиладиган товуш кучли эмас, у, асосан, юқориги резонаторлардан¹ бўғизнинг кенгайиши ҳисобига кучаяди. Оғиз ва бурун ҳам шунга ёрдам беради, шунингдек, улар товуш ранги (жилвадорлиги) — тембрини юзага келтиришда ҳам катта роль ўйнайди.

Резонаторлар юқориги ва пастки қисмлардан иборат бўлиб, улар овоз пардаларининг юқориси ва остида жойлашади. Юқориги овоз — резонаторларнига ютқин, оғиз ва бурун бўшлиқлари, пастки (кўкрак қисми) овоз резонаторларига трахея ва бронх бўшлиғи киради.

Овоз тембрининг сифати товуш ўтувчи овоз пардалари тебранниши билан резонанс бўшлиқларига боғлиқ. Томоқ ва овоз пардаларининг ҳаракати мушаклар ва тоғайлар системасининг ўзаро таъсири натижасида юзага келади. Мушакларнинг айримлари қисқариб, пардаларни таранглаштиради, айримлари уларни бирлаштиради ва бир-биридан узоқлаштиради. Агар овоз пардалари ўзининг бутун массаси билан тебранса, кўкрак регистридаги товуш, овоз пардалари фақат чеккаси билан тебранса юқори регистрдаги товуш юзага келади.

Хонанданинг овози товуш кучи, тембри ва баландлиги биланги-на эмас, балки диапазони билан ҳам характерлидир. Овоз диапазони энг паст товушдан энг баланд товуш оралиғидаги ҳажмни ўз ичига олади. Одам овозининг бутун диапазонини регистрларга бўлиш мумкин. Регистр овоз диапазонининг бир қисми бўлиб, тембр ва товуш йўналишининг бир-бири билан мойиллигига асосланиб аниқланади. Одам овозини паст (кўкракдан чиқувчи товушлар), ўрта (аралаш) ва юқори (бош билан боғлиқ товушлар) регистрларга бўлиш қабул қилинган.

Овозининг регистр тузиликши:

№4



Аёллар овози паст кўкракдан чиқувчи товушлар, ўрта (аралаш) ва юқори (бош билан боғлиқ товушлар) регистрга бўлинади. Кўкрак регистридаги товушларни ҳосил қилиш учун кўкрак резонаторлари ишлатилади, юқори регистрда бош резонатори ишлатилади, аралаш регистр кўкрак ва юқори регистрларнинг бирлашган ҳолдаги ҳаракати орқали ҳосил қилинади.

Эркаклар овози кўкрак ва бош (фальцет)² регистрига эга

Резонаторлар — овозни кучайтирадиган органлар.

Фальцет (итальянча *falso* — қалбаки) — эркакларнинг юқори регистрдаги товушлари бўлиб, ўзига хос тембрга эга, кучсиз садолакади ва маҳсус ҳолларда «рр» (пианиссимо) динамик белгиси билан ифодаланади.

Болалар овози кўкрак, аралаш (микст) ва бош (фальцет) регистрларидан иборат. Болалар овози учун бош қисмининг баланд резонансланиши хосдир. Болалар овоз аппаратининг тузилиш ва ривожланиши хусусиятларига қараб ҳар бир ёш группаси индивидуал регистрдаги овоз тузилишига эга. Қичик групни болалари (7 дан 10 ёшгача) овозининг диапазони кичик бўлиб, енгил фальцет (бош регистрдаги) садоси билан ажралиб туради. Ўрта ёшдаги болалар овозларида (11—13 ёш), айниқса, ўғил болаларда кўкрак регистрдаги товуш элементлари пайдо бўлиб диапазон кенгаядп. Бу ёшдаги болалар овозининг диапазонида учала регистр (бош, аралаш, кўкрак) ажралиб турса-да, куйлаш вақтида асосан микст (аралаш) регистри товушлари ишлатилади. Катта группа ёшидаги болалар овозида (14—16 ёшларда) тембр аниqlиги, вояга етган овоз элементлари пайдо бўлади. Лекин амалда микст (аралаш) регистри товушлари сакланадп.

Регистрлар чегарасида «ўткинчи товушлар» (ўткинчи ноталар «переходные ноты») бўлиб, уларда овоз аппаратининг қайта созланиши содир бўлади. Шу сабабдан куйлаш вақтида товуш ҳаратининг равонлиги бузилиб, овоз кучсиз ва нотурғун эшигилади.

Хар бир типдаги овоз ўзининг регистр чегараларига эга.

Эркаклар оваси
Фарынш (баш рүгүнчүр)га үткөш:

M5

A musical score excerpt showing three vocal parts: bass, baritone, and tenor. The bass part is on the lowest line, the baritone is in the middle, and the tenor is on the highest line. The tenor part begins with a sharp sign indicating a key signature of one sharp.

Архитектурные 1) архитектурные

2) Бюл регистрира 97кш:

6)

SOPRANO

BASSO-CONTINUO, BA KONTINUURO

length 10–14 mm

в) Арапов (микст) регистр а
Синий:
Дисквейт
(сопрано)

Овозлари яхши йўлга қўйилган хонандаларда бир регистрдан бошқа регистрга ўтиш вақтида пайдо бўлувчи «ўткинчи товушлар» шунчалик равон эшигиладики, тингловчи овознинг бутун диапазон тузилишини бирдек, сезиларсиз даражада қабул қиласди. Вокал педагогикасининг бирдан-бир вазифаси хонанда овози регистрларни текислаб, бир хил садоланишини таъминлашдир. Турли регистрдаги овоз садосининг хусусияти тесситура тушунчаси билан боғлик.

Тесситура овоз, хор партияси ёки хор диапазонининг бир қисми бўлиб, асарда энг кўп қўлланиладиган товушлар ҳисобланилади. Тесситура паст, ўрта, юқори бўлиши мумкин. Овоз эркин ва табиий юзага келувчи ўрта тесситура қулай тесситура ҳисобланади.

Юқори ва паст тесситурулар хонанда учун қийинчилек түгдіради, чунки узок вақт күйлаш давомида ортиңа күч сарфланади ба бу эса овозни өзгертади.

"ДИЛОГОМ" опера-эпопея

№6 Allegretto

М. Ашрафий

C. Не-жас ду? и-за-ка-ру и-сал

A.

T.

B. Не-жас се- и-и-дим ду? и-за-ка-ру и-сал

ОВОЗ ГИГИЕНАСИ

Хонанда овози табиатнинг қимматбаҳо ишъоми бўлиб, ундан ижрочи эҳтиёткорлик ва ақл билан фойдаланишини талаб қиласиди. Қаттиқ нутқ, бақириб куйлаш, ноқулай (паст ва юқори) тесситураини ҳаддан ташқари ишлатиш, овоз аппаратининг касаллигига куйлаш — буларнинг ҳаммаси овоз пардаларини чарчашига ва касалга чалинишига олиб келиши мумкин.¹ Шу сабабдан, ашулачилар ўз овозларини асрарлари, уни ҳар хил касалликлардан сақчашлари зарур. Машғулотни дам олиш билан оқитона алмаштириб туриш хонандалик режимиининг асосий қоидасидир. Шунингдек, совуқ ҳавода куйлаш, совуқ ичимлик ичиш эса, овоз аппаратига салбий таъсир қилишини эсадак чиқармаслик керак. Вақти вақтида врач — фониатр¹ кўригидан ўтиб туриш овоз аппаратини касалликларини олдини олишда муҳим аҳамиятга эга.

Фокнитрия медицина тармоғи бўлиб, овоз аппарати касаллигини ўрганади.

Болалар хор колективларининг раҳбарлари болаларнинг мутация вақтидаги вокал партияси хусусиятларини билишлари лозим.

Мутация болалар вояга етаётган даврдаги овоз ўзгариши (овознинг раста бўлиши)дир. Мутация даври одатда болаларнинг 12—13 ёшида бошланиб, 16—17 ёшигача, гоҳо ундан кўп ёшгacha ҳам давом этиши мумкин. Бундай даврда болалар овози ортиқча куйлашга кучи етмайди ва дикқат ҳамда эҳтиёткорлик билан муносабатда бўлишни талаб қилади. Уғил болаларда ҳалқум тез ўсади, овоз пардалари узунлашади, овоз пасайиб кичик октава товушларига ўта бошлайди. Баъзи вақтда мутация даври оғир ва ҳар хил ҳолатда ўтиши сабабли машғулотларни вақтинча тўхтатиш зарур бўлиб қолади. Қиз болаларда мутация осойишта, асоратсиз ўтади. Лекин шунга қарамай, қизларнинг овозини ҳам эҳтиёт қўлиш зарур. Хонандалик режимига риоя қилинса, мутация даври бир қанча енгил ўтишига ёрдам беради.

АМАЛИЙ ТОПШИРИҚЛАР

I. Қуйидаги асарларнинг тесситура хусусиятларини кўриб чиқинг:

1) С. Танеев. «Серенада»;

2) П. Чайковский. «Евгений Онегин» операсидаги дехқонлар хори ва рақси;

3) Б. Умиджонов қайта ишлаган «Япурай» қозоқ халқ қўшиғи;

4) С. Юдаков. «Алёр».

II. Қуйидаги асарларда регистрлар орасидаги «ўткинчи ноталарни» аниқланг:

1) М. Глинка. «Слава русскому народу» («Рус халқига шоншарафлар») (полонез);

2) М. Акцев. «Колокольчики»;

3) Ик. Акбаров. «Муборак»;

4) М. Бурҳонов. «Гўле гандум» ва «Дамкўл, Дамкўл».

III БОБ


ХОНАНДА ОВОЗИ ВА УНИНГ ХАРАКТЕРИСТИКАСИ

Хор колективи юксак ижрочилик сифатларига эга бўлиши учун у вокал имкониятлари жиҳатидан бир-бира нишони келувчи хонандалардан таркиб топиши керак. Хонандалар овозининг хусусиятларини пухта билиш хормейстер учун муваффақият гаровидир.


Хонанда овози физиологик тузилишига қараб болалар, аёллар, эркаклар овозига бўлинади.

1. БОЛАЛАР ОВОЗИ

Болалар овозида товуш ўзининг енгиллнги, тиниқлиги, характеристи жарангдорлиги ва нозиклиги билан ажралиб туради. Болалар овози дискант ва альтга бўлинади.



Болалар хорида дискант овозга одатда юқори (сопрано) партиялар топширилади.



Болалар хорида альт паст партия ҳисобланади. Болаларнинг овоз характеристини аниқлашда ҳар бир ёшнинг ўз хусусиятига эга бўлган «ишчан диапазони»¹ борлигини ҳисобга олмоқ лозим. Бу репертуар танлашда ва болалар овозини тарбиялашда мұҳим аҳамиятга эга. Кичик мактаб ёшидаги (7—10 ёш) болаларда умумий диапазон бир қанча кенг бўлади (ля ^{кичик} — ре²), ўғил ва қиз болалар овозлари бир турда бўлгани сабабли уларни шартли равишда биринчи ва иккинчи овозларга бўлинади. Бу ёшдаги овозларда «бош садолар» кўпчилик товушларни ташкил қиласиди. Лекин «садоланувчи зона» (тажминий зона) кам товушдан иборат бўлниб, диапазон чекланган бўлади (ми¹ ва до²).

¹ «Ишчан диапазон» — умумий диапазондаги энг қулай (кўп ишлатиладиган) товушлар.

Үрта ёшда (11—13 ёш) «иишкан диапазон» кенгайган бўлиб, до¹ дан ми² — фа² гача кенгаяди. Болалар овози (айниқса ўғил болалар овози) 11 ёшларга бориб тўлиқроқ садоланади ва тембр жиҳатидан аниқликка эришади: дискантларда сезиларли ёрқин, тиниқ садо, алтларда эса бўрттирилган ва теран садо пайдо бўлади.

Мутация даврида ўғил болаларда диапазон чегараси кескин ўзгаради; овози бўғиқ, интонацияси ноаниқ, тез чарчайдиган бўлади. Бу мутация жараёнининг қандай ўтиши билан боғлиқ. 17—18 ёшларга келиб овоз кучи катталар овози кучига яқинлашади ва 20 ёшларга бориб тўлиқ шаклланади.


2. АЕЛЛАР ОВОЗИ

Колоратурали ва лирик-колоратурали сопранолар энг енгил ва ҳаракатчан овозлар бўлиб юқори регистрлардаги товушларнинг тиниқ, жарангдор ва ёрқинлик хусусиятига эга. Техник имкониятлари ва тембр жиҳатидан флейта овозига ўхшаб кетади. Ансамбль бўлиб уюшишга халал берувчи ўта ёрқин тебраниши сабабли бу овозлар хорда қўлланилмайди. Улар асосан якка хонандаликда — опера партиялари, романс ва қўшиқлар ижросида ишлатилади: Н. Римский-Корсаковнинг «Қорқиз» операсида «Қорқиз, Ж. Вердининг «Травиата» операсида Виолетга партиялари, А. Алябьевнинг «Булбул» романси, Р. Глиэрнинг овоз ва оркестр учун ёзилган концерти ва ҳоказо.

СССР ҳалқ артистлари Б. Руденко, Е. Мирошниченко, Б. Тулагенова, С. Қобуловалар колоратурали ва лирик колоратурали сопрано овозига эга бўлган хонандалардир.



Лирик сопрано илиқ, ёқимли тембрга эга бўлиб, юмшоқ садоланади. Ўрта ва юқори регистрларда таъсирчан ифодали товушларга эга. Хорда сопрано партиясининг асоси ҳисобланади. Д. Пуччинининг, «Чио-Чио-Сан» операсидаги Чио-Чио-Сан, П. Чайковскийнинг «Евгений Онегин» операсидаги Татьяна, М. Ашрафийнинг «Дилором» операсидаги Дилором лирик сопрано овозига эга солист-хонандага мўлжаллаб ёзилган партиялардир. Таниқли хонандалар СССР ҳалқ артисти Т. Милашкина, РСФСРда хизмат кўрсатган артист Г. Қалинина лирик сопрано овозига эга.



Лирик-драматик ва драматик сопрано диапазони тўлиқ, бўрттирилган, кучли садоси билан ажралиб туради. Хорнинг II сопрано партиясини ташкил этади. Якка хонанда партияси сифатида Ж. Вердининг «Аида» операсидаги Аида, П. Чайковскийнинг «Пиковая дама» операсидаги Лиза, М. Ашрафий ва С. Василенконинг «Бўрон» операсидаги Норгул партияларида қўлланилган. СССР халқ артистлари Ҳ. Носирова, М. Биешу ва бошқалар шундай овозларга эга бўлган хонандалардан.

№11 Диапазони:

Лирик ва драматик меццо-сопрано драматик сопрано ва контральто ўртасидаги овоз бўлиб, паст (кўкрак) регистрдаги товушларга эга. Тембр жиҳатидан тиниқ, чиройли ҳисобланади. Булардан ташқари, лирик меццо-сопрано овози маъин ва ҳаракатчан юқори регистрларга ҳам эга. Хорда лирик меццо-сопранолар I альт партиясига, драматик меццо-сопрано эса II альт партиясига киради. Бу овозлар П. Чайковскийнинг «Пиковая дама» операсидаги Полина, Ш. Гунонинг «Фауст» операсидаги Зибелъ, С. Юдаковниг «Майсаранинг иши» операсидаги Майсара партияларида учрайди. Бундай овоз эгаларидан СССР халқ артистлари И. Архипова, Е. Образцова, Т. Синявскаяларни кўрсатиш мумкин.

№12 Диапазони:

Контральто аёлларнинг энг паст овози бўлиб, қуюқ тембрга эга, асосан паст (кўкрак) регистрдан иборат. Контральто жуда кам ҳолларда қўлланилади. Хорда II альтлар партиясига киради. Айрим ҳолларда композиторлар бу овозга эркаклар учун мўлжалланган партияни топширадилар. Контральто учун М. Глинканинг «Иван Сусанин» операсидаги Вания, «Руслан ва Людмила» операсидаги Ратмир партиялари мисол бўла олади. СССР халқ артисти В. Левко, Ўзбекистонда хизмат кўрсатган артист О. Кучниколова-ларнинг овози контральтодир.

№13 Диапазони:

3. ЭРҚАҚЛАР ОВОЗИ

Тенор-альтино эркакларнинг энг баланд овози бўлиб, енгил ва нозик тембрга эга. Ёрқин фальцетли (юқори регистрда) садоланиши унинг ўзига хос хусусиятидир. Н. Римский-Корсаков-

кинг «Олтин хўроз» операсидаги Мунажжим, «Қорқиз» операсидаги шоҳ Берендей, М. Мусоргскийнинг «Борис Годунов» операсида Девоналар тенор-альтино учун ёзилган партиялардир. Хорда тенор-альтино 1 тенор партиялар қаторига киради. СССР халқ артисти И. Козловский тенор-альтино овозига эга.

Лирик тенор енгил, равшан, нафис тембрга эга ва ўта ифодавийлиги, техник жиҳатдан ҳаракатчанлиги билан ажралиб туради. П. Чайковскийнинг «Евгений Онегин» операсидаги Ленский, М. Ашрафийнинг «Дилором» операсидаги Моний партиялари лирик тенор овоз учун ёзилган. Бу овоз соҳибларидан СССР халқ артисти В. Пьявко, Е. Райков, Ўзбекистон халқ артисти С. Ярашевларни кўрсатиш мумкин.

№14 Диапазони:

Лирик-драматик ва драматик тенор кучли, тўлиқ ва ширали овозлар ҳисобланиб, паст регистрда тўла ва аниқ садоланади. Драматик тенор партиялари Ж. Бизенинг «Кармен» (Хозе), П. Чайковскийнинг «Пиковая дама» (Герман), Ж. Вердининг «Отелло» (Отелло) операларида учрайди. СССР халқ артистлари З. Соткилава, В. Атлантовлар мазкур овоз эгаларидан.

№15 Диапазони:

Характерли тенор опера амалиётида учрайди. Бу овозга «чуқур таъсирчан» характерли элементларга эга кичик партиялар топширилади. П. Чайковскийнинг «Евгений Онегин»идаги Трике, А. Бородиннинг «Князь Игорь»идаги Ерошка, Н. Римский-Корсаковнинг «Шоҳ қайлиғи»даги Бомелий партияларини мисол қилиб кўрсатиш мумкин. Характерли тенор хорда қўлланилмайди.

Лирик баритон тенор ва бас овозлари ўртасидаги овоз бўлиб, куйчан, оҳангдорлиги ва юмшоқлиги билан ажралиб туради. Садосининг характери бўйича тенорга яқин туради. Ривожланган ва ёрқин юқори регистрга эга. Онегин (П. Чайковский. «Евгений Онегин»), Фигаро (Ж. Россини. «Севилья сартароши») партиялари лирик баритонга мослаб ёзилган. СССР халқ артисти Ю. Мазурок, РСФСР халқ артисти В. Мальченко, ЎзССР халқ артисти С. Беньяминовлар лирик баритон овозига эга.

№16 Диапазони:

Драматик баритон садоланиши жиҳатидан бас овозига яқин туради. Унда кучли жарангдорлик ва ширадорлик мужас-

сам. Диапазони лирик баригондагидек, пастки регистрлар янада таъсирчанлиги билан ажралб туради. М. Мусоргскийнинг «Борис Годунов» операсидаги Борис, Ж. Вердининг «Риголетто» операсидаги Риголетто, А. Бородиннинг «Князь Игорь» операсидаги Игорь партиялари шу овозга мўлжаллаб ёзилган. СССР халқ артистлари Ю. Гуляев, А. Макренколар шу овозда куйлашади.

№17 Диапазони:



Б а с - б а р и т о н (б а с - к а н т а н т о) — баланд, куйчан бас. Унинг паст товушлари кучсиз, юқори товушлари эса эркин ва ширали эшистилади. Сусанин (М. Глинка. «Иван Сусанин»), Галицкий (А. Бородин. «Князь Игорь»), Мефистофель (Ш. Гуно. «Фауст») бас-баритон партияларидир. СССР халқ артисти А. Ведерников, Б. Штоколов каби хонандалар овози — бас-баритон.


№18 Диапазони:



Б а с - п р о ф у н д о — «ч у қ у р » бас паст регистрда тўлиқ ва паст садоланади. Ҳозирги вақтда бу овоз деярли учрамайди.

№19

Диапазони:



Хор амалиётида эркакларнинг энг паст овози октавачилар ҳисобланади, II бас партия туркумига киради. Одатда октавачилар 2—3 кинидан иборат группани ташкил этади. Кўпинча бу овозлар қўйидаги ҳажмда ишлатилади.

Диапазони:



Октавачиларнинг бас партияси диапазонини бир октава пастга кенгайтириш имконини беради. Бас-октавачилар, асосан, жўрсиз хор (a — cappella) учун ёзилган асарларда ишлатилади. Бу овоз асар садосига тेरанлик ва тўлақонлик бахш этади. Бас-октавачиларни рус хор ижрочилигига мансуб деб ҳисоблаш мумкин, зоро рус хор ижрочилик мактаби хусусан гўзал, пастки бас овозлари билан ажралиб туради.

ПЕСНЯ

21


Andantino

А. Егоров

Марказий бас — бас-профундо ва бас-кантанта орасидаги овоз. Энг жарангдор, кучли қисми унинг маркази бўлганлиги учун номи шундай аталган. Иш берувчи диапазони соль катта — до¹ бўлиб, яхши ва ширали эшистилади. А. Даргомижскийнинг «Русалка» операсидаги Мельник, А. Бородиннинг «Князь Игорь» операсидаги Кончик, Н. Римский-Корсаковнинг «Шоҳ Султон ҳақида эртак» операсидаги Султон партияларини мисол қилиб кўрсатиш мумкин. СССР халқ артистлари А. Эйзен, Е. Нестеренко ва Ўзбекистон ССР халқ артисти Қ. Муҳитдинов каби хонандалар мазкур овоз соҳибларидир.

№22

Диапазон:



Бас-буффо ёкп характерли бас — маҳсус овоз тури, диапазонининг бирор қисми янада таъсирчан ва ифодалилиги билан ажралиб туради. Баснинг бу тури юқорида кўрсатиб ўтилган бас овозларининг ҳар бирига тааллуқли бўлиши мумкин. Ж. Россинининг «Севилья сартароши» операсидаги Бартоло, А. Бородиннинг «Князь Игорь» операсидаги Скула, С. Юдаковнинг «Майсаранинг иши» операсидаги Қози партиялари характерли бас овозига мўлжаллаб ёзилган. Одатда уни комик (буфф) бас деб ҳам аташади. Хорда бу овоз қўлланилмайди.

ТИНГЛАШ УЧУН ТАВСИЯ ҚИЛИНАДИГАН АСАРЛАР

1. Ж. Верди. «Травиата» операидаги Виолетта овози;
2. Ж. Верди. «Аида» операсидаги Аида овози;
3. С. Юдаков. «Майсаранинг иши» операсидаги Майсаранинг овози;
4. М. Ашрафий. «Дилором» операсидаги Дилором овози;
5. М. Глинка. «Иван Сусанин» операсидаги Ваня овози;
6. П. Чайковский. «Евгений Онегин» операсидаги Ленский овози;

7. М. Ашрафий. «Дилором» операсидаги Мони овози;
8. Ж. Бизе. «Кармен» операсидаги Хозе овози;
9. С. Юдаков. «Майсаранинг иши» операсидаги Чўпон овози;
10. А. Козловский. «Улугбек» операсидаги Улугбек овози;
11. А. Бородин. «Князь Игорь» операсидаги Игорь овози;
12. А. Даргомижский. «Русалка» операсидаги Мельник овози;
13. С. Василенко ва М. Ашрафий. «Бўрон» операсидаги Бўрон овози;
14. Р. Глиэр ва Т. Содиков. «Лайли ва Мажнун» операсидаги Мажнун овози.

IV БОБ

ВОКАЛ-ХОР МАЛАКАЛАРИ

Хор колективининг ижрочилик маданияти хонандаларнинг вокал (ашула) ва хор ижрочилиги маҳоратларига боғлиқ. Вокал маҳоратига хонанданинг туриш ҳолати, нафаси, товуш ҳосил қилиши ва талаффузи киради. Хор ижрочилиги маҳорати овоз созланиши ва ансамбль бўллаб бирнишиб (қўшилиши)дан иборат.

ХОНАНДАНИНГ ТУРИШ ҲОЛАТИ

Хонанданинг идеал туриш ҳолати тик турган ҳолда ижро этиши ҳисобланади. Лекин узоқ давом этувчи репетицияларда хор ўтирган ҳолда машғулот ўтказиши мумкин. Бундай ҳолларда хорнинг ҳар бир хонандаси гавдасини тўғри ва эркин тутиши, елкалари тик, қўллари пастга туширилган бўлиши керак. Юз, бўйин, елқа мушаклари эркин ҳолатда бўлади. Ижрочилик вақтида бошни орқага ташламасдан тўғри тутиш, юзни буриштирмаслик, пастки жағни сиқмаслик зарур. Хонанданинг тўғри туриш ҳолати тўғри нафас олиши ва товуш ҳосил қилишига имкон беради.

НАФАС

Хонанда куйлаш вақтида, товуш ҳосил қилишида нафасни тўғри йўлга қўйиши муҳим роль ўйнайди. «Куйлаш санъати нафасни тўғри ишга солиш санъатидир»,— деган ибора классик ибора бўлиб қолди.


Куйлашдаги нафас билан физиологик нафас орасида маълум даражада фарқ бор. Физиологик нафасда нафас олиш аниқ бир ритмда ва маълум бир вақт оралиғида содир бўлади. Куйлаш вақтидаги ҳаво олиш тез, қисқа вақт оралиғида содир бўлиб нафас чиқазиш эса бир қанча вақтга чўзилади. Нафас ритми ижро этилаётган асар характеристига қараб ўзгариб туради. Куйлашда физиологик нафасга қараганда чуқур нафас олинади.

Куйлашдаги нафас олишнинг бир печа турлари бор:

- 1) пастки қовурғалар кенгаювчи нафас олиш;
- 2) елка кенгаювчи нафас олиш;
- 3) қорин билан нафас олиш (диафрагма пастга тушади);
- 4) кўкрак билан нафас олиш (кўкрак қафасининг юқори қисми кўтарилади).

Күйлаш вақтида нафас олишнинг пастки қовурғалар кенгаючы нафас олиш ва қорин билан нафас олиш турларини ишлатиш маъқулдир.

Диафрагма одам организмидаги күкрак ва қорин бўшлигини ажратиб туради. Пастки қовурғалар ва диафрагмалар воситасида нафас олишда нафас олиш ва чиқариш диафрагма орқали тартибга солинади. Бу шундай содир бўлади: хонанда худди гул «ҳидлагандек» нафас олади. Бунда ўпкалар кенгайиб, пастки қовурғаларни ташки томон суради ва диафрагма пасаяди, натижада, қориннинг девори олдинга шишиб чиқади. Елка ва кўкракнинг юқори қисми бу ҳолда ўзгармайди. Нафас олиш чуқур, тўлиқ ва энг асосийси, шовқинсиз бўлиши керак. Нафас чиқариш тежамли, узоқ муддатли, текис бўлиши шарт. Нафас чиқариш қорин таранг қобиғининг ҳаракати билан бошқарилиб, ҳаво юқорига йўналади ва овоз ҳардаларини тебранишга ундаиди. Пастки қовурғалар ва диафрагма аста-секин ўз ҳолатига қайтади.



Хонандаларни тўғри нафас олишга ўргатиш хорда вокал устидаги ишлатининг энг зарур қисмидир. Нафас олиш хорда бир вақтда содир бўлиши мумкин. Бу ҳолда хор иштирокчилари бараварига нафас олишлари керак. Агар музика асарларида узоқ давом этувчи куй жумталаши бўлса, хор ёки хор партияларини узлусиз садолтанишини таъминлаб берувчи улама нафас қўлланилади. Бу ҳолда хонандалар навбатма-навбат нафас оладилар ва бу ўз навбатида ўз партияларига жуда эҳтиёткорлик билан сезилмас даражада қўшилишларини талаб қиласади. Акс ҳолда ансамблъ бирлиги бузилиш мумкин. Баъзи асарлар бошдан охиригача «улама нафасда» (цепное дыхание) ижро этишни талаб қиласади.

№23 **Moderato** С.Бобоев ҳайта ишлогди



ТОВУШ ҲОСИЛ ҚИЛИШ

Юқорида айтилганидек, товуш нафас ва овоз аппаратларнинг ҳаракати натижасида ҳосил бўлади. Товуш ҳавонинг ёлиқ ҳолатдаги овоз тешиги орқали ўтганда овоз пардалари тебраниши вақтида юзага келади. Товушнинг пайдо бўлиш вақти «товуш ҳужуми» («атака звука») дейилади. Овоз пардаларининг жисслиги, нафас чиқаришнинг кучи ва характеристига қараб товуш ҳужуми қаттиқ, майин ва нафас олишдан кейинги ҳужум бўлиши мумкин.

Товушнинг юмшоқ ҳужумида овоз пардалари нафас чиқариш бошланиши билан очилади. Чиқаётган ҳавонинг овоз пардаларига енгил тегиб ўтиши натижасида жуда юмшоқ «эгилувчан товуш» ҳосил бўлади.

Товушнинг қаттиқ ҳужуми нафас чиқариш олдидан овоз пардаларининг зич ёпилиши натижасида ҳосил бўлади. Бу ҳолда чиқаётган ҳаво катта босим билан овоз пардаларига келиб урилади ва ҳосил бўлган товуш қаттиқ ва кескин характерга эга бўлади.

Нафас олишдан кейинги ҳужумда эса овоз пардалари нафас чиқа бошлагандан кейин бирикади ва натижада товушдан олдин нафас чиқаришда унсиз «х» эшистилади. Қўшимча товушлар ҳисобига товуш ўзининг софлигини йўқотади, овоз пардалари эса бўшашиб қолади.

Хонандалар амалда товуш ҳужумининг ҳамма типларини билиши керак. Лекин энг маъқули «юмшоқ товуш ҳужуми» ҳисобланади. Бу типдаги товуш ҳужуми хонандани эркни, ўзини зўрламасдан куйлашга ва овоз аппаратини узоқ муддатгача соглом тутишига имкон беради.

Ўрни келгап вақтда ҳар бир типдаги товуш ҳужумини ишлатиш мумкин. Мисол учун куй орқали нафрат, қўрқув, жаҳл, изти-

роб каби түйғуларни ифодалашда қаттиқ ҳужумли товушдан, күчсизлик, дармонсизлик, құрқоқлик ва бошқа шунга үшаш түйғуларни ифодалашда эса нафас олишдан кейинги ҳужумли товушдан фойдаланилади.

Хонанда овози юзага келишидан бошлаб (ҳужум типидан қатын назар) ўзининг аниқ баландлигига, кучига, тембрға, аниқ унли формасига (шаклига) эга бўлиши керак. Бу шартлар товуш ҳосил қилишнинг асосий қоидаси бўлиб, хор ижрочилигига алоҳида аҳамиятга эга.

Бир хил товуш ҳосил қилиш усулига эга бўлган хонандалар овози тембр рангларининг, бутун диапазондаги товушлар садоланишининг равонлиги, ансамблъ бўлиб қўшилувчанлиги билан фарқ қиласди. Мисол учун академик ижрочиликдаги садо аниқ ифодалangan тўлиқ ва беркилган товушлардан иборат. Беркик товуш хирадашган тембрға эга бўлиб, тўлиқ, енгил, бўйсунувчи, мусаффо садодан иборат. Товушни маълум чегарадаги усули хонандалар учун регистрларни бир-бирига боғлаш, текислаш учун қўл келади. Товуш доимо равон бўлиши учун кўкрак ва бош регистрларни бирлаштириш керак. Бунда хонанда овози бутун диапазон бўйича текис садоланади.

Халқ хонандалари одатда «очиқ» (кўкракдан) товуш ҳосил қилиш усулини қўллайдилар. Бунда товуш аниқ чегарага эга бўлмаса-да, хор ижрочилиги учун бир хил услугуб тақланиши керак. Агар академик ижродаги хорнинг бир қисми «очиқ» товуш билан куйласа ансамблъ бузилиши мумкин.

ТОВУШ ЙЎНАЛИШИ ТУРЛАРИ

Хор ижрочилигига товуш йўналишининг *legato* (легато), поп *legato* (нон легато), *staccato* (стаккато) турлари ишлатилади. *Legato* (легато) товушларнинг бир-бiri билан узлуксиз боғланган ҳаракати бўлиб, ҳар бир товуш кейингисига осойишта ва аниқ ҳаракатда ўтиши керак. Легато қилиб ижро этишга мисол гаричасида рус халқ лирик (чўзиб ижро этилувчи) қўшиқларини эслатиш мумкин.

Portamento (портамэнто) турдаги товуш йўналишида товушлар бир-бирига сирғалиб ўтади. Бу камчилик тажрибасиз ижро чиларга хос бўлиб, хорда ишлатиш мумкин эмас. Чунки у товуш интонациясида ноаниқликка олиб келади.

Staccato (стаккато) — товушларни вақт оралаб алоҳида-алоҳида ижро этиш. Стаккато товушлари оралиғида нафас олинмайди. Стаккато товуш йўналишида хонанда овози енгил, ёрқин, букилувчан ва қисқа эшитилади.

Non legato (нон легато) — товушларни аниқ ва бир-биридан ажralган ҳолда ижро этиш тури бўлиб, товушлар орасида нафасни ушлаш орқали ҳосил қилинади. Товуш йўналишининг бу тури *staccato* ва *legato* турларининг оралиғидаги ўринини эгаллаган, уларнинг ҳар бирига үшаш томонлари бор.

ДИКЦИЯ

Хор ижрочилигига хонандалардан тўғри дикция (лотинча *dictio* — нутқ талаффуз), яъни адабий текстни аниқ ва равшан талаффуз қилиш талаб қилинади. Товуш ўрнининг тўғрилиги ва нафас активлиги дикцияга боғлиқ. Тантанавор, қаҳрамонлик, драматик характердаги асарлар ундош товушларни таъкидлаб, аниқ талаффуз этишни талаб қилса, лирик характердагилари эса майин талаффузга мос келади. Ёмон дикция хор куйи ифодавийлиги ва мазмунини сусайтиради.

Хор дикцияси нутқ органларининг ишлаш қобилиятига, яъни тил, лаблар, юмшоқ танглай, пастки жағдан иборат артикуляция аппаратининг ишлаш қобилиятига боғлиқ¹. Актив ҳаракатчан артикуляция вокал техникасининг асосий элементлари ҳисобланади. Артикуляция аппарати соғлом, тўғри жойлашган ва ўз вазифасини тўғри бажара оладиган бўлиши керак. Артикуляция аппаратининг камчиликлари маҳсус машқлар орқали бартараф қилиниши мумкин. Бундай камчиликларга айrim ҳарфларни алмаштириб нотўғри талаффуз қилиш киради. Бу камчиликлар артикуляция аппаратининг (айниқса болаларда) суст ҳаракат қилиши натижасида содир бўлади.

Вокал нутқи ифодали ва «жонли» бўлиши керак. Агар унли товушлар хонанда овози садоси чўзиқлигини, кучи ва ранг-баранглигини таъминласа, ундош товушлар эса асарнинг бадий тексти мазмунини тушунарли ва эмоционал қилиб ифодалашга имкон беради.

Маълумки, рус тилида бешта асосий унли ҳарфлар: а, о, у, э, и (ўзбек тилида эса «ў» билан олтита) ва тўртта ёлашган унли ҳарфлар: е, ё, ю, я бор, яъни ёлашган унли ҳарфлар «й», «е»—ундан кейинги унли товушни қўшиб талаффуз қилишдан юзага келади: е (йэ), ё (йо), я (йа), ю (йу).

Унли товушлар куйда тембр жиҳатдан бир хил соф талаффуз этилади. Ургули унли ҳарфлар талаффузи ўқиганда қандай бўлса, куйлашда шунга риоя қилинади. Рус тилида эса ургусиз унлиларни куйлашдаги талаффуз қоидаси бошқачароқ; агар нутқда кўп ургусиз унли ҳарфлар ўзгарса, бошқаларнига алмашинади (масалан, «певец» — «пивец», «вода» — «вада», «голова» — «галава» деб ўқилади), вокал дикцияда эса фақат «о» ҳарфи «а» га алмашинади (соловей — салавей, дорогой — дарагой).

Унли ҳарфларни хорда иштирок этувчи хонандалардан бир хил ва тўғри талаффуз қилишни жиддий талаб қилиш, хорда товушлар ансамблига эришишга асосий замин яратади.

Ундаги ҳарфлар рус ва ўзбек тилларида жарангли (б, в, г, д, ж, з, л, м, н, р, қ) ва жарангсиз (п, т, к, ф, с, ц, ш, ў, ч, х, ғ, ҳ) талаффузга эга. Ундош товушларни хорда тез, аниқ, бир вақтда талаффуз қилиш яхши дикция ва ритм ансамблига эришишнинг асосий шартидир.

¹ Артикуляция (лотинча *articulatio*) —

Л, м, н, р ундош товушлари сонорли ундошлар деб ҳам атала-
ди¹. Бу товушлар деярлі² унлидек күйланиши мүмкін ва бу усул
баш резонаторда товушнинг тўғри шаклланишига эришиш учун
қўйланади (ма-мэ-ми-мо-му). Кўйлашдаги талаффуз нутқдаги та-
лаффуздан фарқ қиласди. Кўйлаш дикциясининг хусусиятларини
белгилаб берувчи бир қатор қоидалар бор. Масалан, бўғинларга
бўлишда ундош ҳарфларнинг бир бўғин охиридан бошқа бўғин
бошига кўчириш қоидасига риоя қилиб ўқиганда бундай бўлади:
«солн-це, солн-це встаёт, над го-рою крутой», кўйлаганда эса
«со-лице, со-лице вста-ёт, на-дго-ро-ю кру-то-й», «шу улуғ, о-зод
Ва-тан ди-лу жо-ни-миз (ўқиганда), «шу у-лу-ғо-зо-д Ва-та-нди-
лу-жо-ни-миз (куйлаганда). Бундай бўғин ажратиш унлиларни
кўпроқ муддатга чўзишга, яъни чўзиқ оҳанг ташкил этишга ёр-
дам беради.

Сўз охирини талаффуз қилганда жарангли ундош товушлар
жарангсиз товушлардек эштилади («сад»—«сат», «остров»—
«остроф»), «китоб»—«китоп», «авлод»—«авлот». Аниқ талаффуз
бадий текстни тингловчига аниқ етказишнинг асосий шартидир.
Лекин сўзларни тўғри талаффуз қилишда орфоэпия² ҳам муҳим
роль ўйнайди. Кўйлаш вақтида ундош товушларни талаффуз қи-
лиш кўпинча нутқ орфоэпияси талабларига, сўзларни адабий та-
лаффуз қилиш қоидасига мос келади.

Демак, асарни хор билан тайёрлаш жараёнида музика билан
бир вақтда адабий текст устида ҳам иш юритиш керак. Асар маз-
мунини чуқур англаш, асосий тоғисини юзага чиқариш ва уларни
аниқ ва равшан дикция орқали тингловчиларга ифодали қилиб
етказиш билан боғлиқ бўлиб, асарни хор бўлиб бадий ижро
етишнинг зарурий шартларидан биридир.

ХОР ИЖРОЧИЛИГИ МАЛАКАСИ

Хор ижрочилиги санъати ўзига хос бўлган хор созланиши ва
ансамбль малакасини эгаллашни талаб қиласди.

Созланиш кўйлаш жараёнида интервалларни соф интона-
ция қилишдир. Турғун хонандалик интонациясига эришиш, барча
товушларни баландликларига қараб аниқ мувозанатини сақлаш
хор садосида катта аҳамиятга эга. Агар хор соф даражада кўй-
ламаса, асарнинг ифодали, англанган ижроси ҳақида гап юритиш
қийин. Хорнинг яхши созланганлиги хонандаларнинг музиковий
ривожланганлигига, биринчи навбатда уларнинг музика ўқувига
ва хонандалик малакаси (нафас олиш, товуш ҳосил қилиш, дик-
ция)ни қанчалик ўзлаштирганлигига боғлиқ. Ундан ташқари,
уларнинг жисмоний ва эмоционал ҳолати (чарчаганлиги, ҳаяжон-
ланиши) ва шунингдек, ижро қилинаётган асарнинг мураккаблиги
(тесситура қийинлиги ва бошқалар) ҳам муҳим роль ўйнайди.

¹ Сонор (латинча sonorus)— жаранглаган.

² Орфоэпия (юнонча ὄρθος επία)— тўғри нутқ.

Чолғу асбоблар жүрлигінде ижро этиладын асарларда яхши созланишга эришиш бирмунча енгіл, жүрнавозлық интонацияны осонлаштиради. А — *cappella* бўлиб ижро этганды тиниң созланишга эришиш жуда мураккаб, чунки ҳар бир хонанда ўзининг ладгармоник ҳис қилишига асосланыб созланади. Чолғу асбоблар жүрлигисиз ижрода хор қатнашчисидан ўз интонацияси софлигига дикқат қилишни, айниқса ривожланган гармоник үқувни талаб қиласи. Шу билан бир қаторда, хусусан жүрсиз хор хонанданинг лад ва гармоник ҳис этишини ривожлантириб, мелодик ва гармоник үқувини ўстиришга имкон яратади, хор ансамблини чуқурроқ сезишга, ижрочилик савиасининг ўсишига катта таъсир этади.

Хор созланиши куйчан (горизонтал), яъни хор партиясини соф интонация қилиш ва гармоник (вертикал), яъни хор овозлари орасидаги аккорд товушларни соф интонация қилишдан иборат. Хор созланишга эришиш учун хормейстерлар хор ижрочилари билан ишлашда интервалларни горизонтал ва вертикал интонация қилинишидан фойдаланадилар.

Хор санъатининг машҳур арбобларидан Б. Чесноков, К. Пигров ва бошқалар мажор ҳамда минор ладларини садолантиришнинг муайян йўлларини топдилар. Улар а — капелла бўлиб ижро этишда соз мувозанатини сақлашга имкон берувчи маҳсус терминлар қўллашган. Бу терминлар пофона ва интервалларни ижро этиш хусусиятларини: турғулигини, мувозанатдан баландроқ ёки пастроқ садога интилиб туришини аниқлаб беради. Лад пофоналарини интонация қилиш системаси қўйидагича: мажорнинг I пофонаси доимо турғун мувозанатли садоланади, минорники эса бир оз баландроқ. Мажорнинг II пофонаси баландроқ, минорники — мажорнинг етакчи товуши бўлгани учун баланд садоланади. III пофона лад турини белгиловчи тон бўлганилиги учун мажорда ҳам, минорда ҳам бир хил характеристерга эга, шу сабабдан бу пофона минорда паст, мажорда баланд садоланади. Мажорнинг IV пофонаси паст садога эга. Минорники товушқаторнинг юқорилама ҳаракатида баландроқ, пастлама ҳаракатида пастроқ садоланади. Мажорнинг V пофонаси турғун, минорники баландроқ садога эга. Мажорнинг VI пофонаси юқорилама ҳаракатда баландроқ, пастлама ҳаракатда пастроқ садолантирилади. Табиий (натурал) минорнинг пастлама ҳаракатида пастроқ, мелодик минорнинг юқорилама ҳаракатида юқорироқ садоланади. Гармоник мажорда эса пастроқ садоланишга эга. Мажорнинг VII пофонаси мажорнинг етакчи товуши бўлгани сабабли жуда баланд садоланади. Табиий минорда пастроқ, гармоник ва мелодик минорда эса баланд садога эга.

Шундай қилиб, хорда пофоналар садоланиши ладнинг барча хусусиятларини англаш билан чамбарчас боғланган.

Хор созланишининг асоси — катта секундаларни юқорига, кичик секундаларни пастга аниқ садолантириш малакасидан иборат. Соф кварталар, квинта ва октаваларни садолантириш қийинчилик туғдирмайди.

Интервалларни садолантириш системаси қуйидагыда: а) соф интерваллар түргүн садолантирилади;

б) кичик интерваллар бир томонлама торайиш билан садолантирилади;

в) катта интерваллар бир томонлама кенгайған ҳолда садолантирилади;

г) кичрайтирилген интерваллар икки томонлама торайған ҳолда садолантирилади;

д) көнгайтирилген интерваллар икки томонлама кенгайған ҳолда садолантирилади.

Улуттук рус хор дирижёры П. Г. Чесноков мажор ва минор ладлари поғоналарини садолантириш хусусиятларини күрсатуучи маҳсус белгиларни таклиф қылган:

→ — түргүн поғоналарни садолантириш;

↑ — баланд садога мойыл поғоналарни садолантириш;

↓ — паст садога мойыл поғоналарни садолантириш;

↔ — түргүн, лекин бир оз баланд садога интилувчи поғоналарни садолантириш.


№24

Потоналар жоғорға ҳарыкет күттегендеги:

Мажор



Минор



№25

Потоналар пастта ҳарыкет күттегендеги:

Мажор



Минор




Минорга қараганда мажорни садолантириш бирмүнча осон, айниңса табиий минорни соф садолантириш мураккаброқ, чунки тоника учтовушлыгининг товушлары садоланиш жиһатидан нотурғандыр.

Соф садолантириш горизонтал ва вертикал созлаш устида пухта ишлеш хор раҳбарининг дикқат марказида туриши керак, чунки хор коллективидеги барча қилинадынган ишларнинг асоси соз ҳисобланади. Фақат аниқ созланишша эга бўлган хор коллективини юқори малакали, катта бадиий топшириқларни бажара олувчи коллектив деб ҳисобласа бўлади.

ПОГОНА БАЛАНДЛИГИНИ АНИҚЛАШ

Аматиётда жүрсиз хорга мүлжаллаб ёзилган асарни ижро этиш учун хорни аниқ созлашда камертоңдан¹ фойдаланилади. Хор раҳбари камертон ёрдамида хорни «созлайди», яъни хор иштирокчиларига кўйлаш учун товушларнинг аниқ баландлигини кўрсатади. Бунинг учун биринчи аккорднинг товушларини ёки тоника учтовушлигини юқоридан пастга ёки пастдан юқорига йўналган ҳолда кўйлаб беради. Концерт ижросида созланиш жуда секин, тингловчилар эшийтмайдиган даражада амалга оширилиши керак. Ҳар бир тажрибали дирижёр ўзига қулай бўлган индивидуал товуш топиш йўлидан фойдаланади. Бошланғич дирижёр учун энг қулайи камертонга асосланиб осон «ля» интервали (соф квартада ёки соф квинта, юқори ёки пастга ҳаракатда) аниқланади ва шунга асосланиб, керакли босқичдаги товуш ёки учтовушлик топилади.

М-26



Камертонга асосланиб «ля» товушидан ярим ёки бир тонни қидириш мақсадга мувофиқ эмас, чунки тажрибасиз дирижёр учун бу интервалларни ўқув орқали аниқлаши қийин.

АНСАМБЛЬ

Ансамбл сўзи французча сўз бўлиб, у «биргаликда» деган маънени билдиради. Ансамбл музикада, балетда, архитектурада қўлланилади. Музикада ансамбль бир неча музикачилардан иборат группа бўлиб, биргаликда музика асарини ижро этишга мослашгандир. Ансамбл иштирокчиларининг сонига қараб дуэт, трио, квартет, квинтет, секстет ва бошқалар деб номланади. Иттихоби коллективлар ҳам ансамбл деб аталиши мумкин. Масалан, СССР Катта театр скринкачилар ансамбли, СССР халқ рақс ансамбли, Қизил байрокли Александров номидаги Совет Армияси қўшиқ ва рақс ансамоли ва бошқалар.

Хор санъатида ансамбл — айрим конандаларнинг, хор партняларининг, бутун хорнинг биргаликдаги мувозанатли садоланишидир. Бу демак, ҳар бир хонанда фақат ўз партиясинигина эмас, балки бутун хорни эшига билиши ва ўз овозини умумий садога қўша билиши керак. Шу сабабли хор партияларининг биргаликдаги садосидан иборат—«айрим ансамбл» («частный ансамбл») бутун хор иштирокидаги «умумий ансамбл»дан («общий ансамбл») фарқ қиласади.

¹ Камертоң — пўлатдан ясалган вилкасимон кичик асбоб, садоси 1 октаванинг «ля» нотасига тенг.

Хор ижрочилигига бадий ансамбль турлн айрим ансамбллардан ташкил топади:

- 1) динамик ансамбль — садоланиш кучига кўра овозларнинг қўшилиши;
- 2) ритмик ансамбль — ижронинг ритмик бирлиги;
- 3) тембр ансамбль — овозларнинг тембрига кўра қўшилиши;
- 4) суръат ансамбли — ижронинг суръат бирлиги;
- 5) гармоник ансамбль — овозларнинг аккорд, ҳамоҳангликдаги мувозанатли садоси;
- 6) дикцияли ансамбль — адабий текст (матн)ни келишиб талафуз этиш;
- 7) интонацияли ансамбль — товуш баландлигини аниқ садолантириш.

Кўрсатилган ансамбллардан бирининг бузилиши умуман хор садоланиши ансамблнинг бузилишинга олниб келади. Ягона бадий-ижрочилик ансамблига эришиш, хормейстернинг энг қийин вазифаларидан биридир.

Вокал-техник усуслар ва малаканинг бир типда бўлиши, барча асар таркиби ижросининг бирлиги, асар мазмуни ва гоявий ниятини очиш ҳақиқий бадий ижрочилик ансамблнин яратишнинг муҳим шартларидан.

Хор садоланишида тесситура масаласи катта аҳамиятга эга. Тесситура шароитига қараб ансамблнинг табиий ёки сунъийлигини пайқаш мумкин. Тесситура шароити тахминан бир хил бўлса, яъни барча хор қатнашчилари зўр бермасдан паст ёки юқори куйласа, ёхуд барча овозлар ўрта регистрларда бўлса, табиий ансамбль («естественный ансамбль») ортиқча ҳараратсиз ҳосил бўлади.

ҲАЙРОННИНГ БЎЛЛАЙ
(Ўзбек халқ қўшиғи)

II. Ахбаров кайта ишлаган

№27 Allegro vivace

Сунъий ансамбль («искусственный ансамбль») овозлар ҳар хил тесситура шароитида бўлганда қўлланади. У вақтда садоланиши меъёрига етказиш учун овоз кучи сунъий бўрттирилади ёки аксинча сусайтирилади.

№22 Allegretto

М. Бағасов

Бу асар парчасига кўра хор партиялари орасидаги садоланишнинг динамик тенглигига эришиш учун эркаклар овози (айниқса тенорлар) ни сунъий бўрттириб кўрсатиш лозим.

Ҳар бир асар ўз фактура баёнига (гармоник, гомофон-гармоник, полифоник) боғлиқ бўлиб, овозлар тенглигининг динамик нормалари бор. Мисол учун гармоник (аккордли) фактурада ҳар бир овоз динамик жиҳатдан тенг бўлиши керак. Чунки фактура баёнида аниқ ифодаланган куй бўлмай, композитор гармоник усулда фикр баён қиласди. Гомофон-гармоник тузилишдаги асарларда овозлар жойлашишида куй (мавзу) ни бошқарувчи овозни ажратиб, қолганларини шу овозга бўйсундириш зарур. Полифоник баёндаги асарларда эса асосий мавзу етакловчи овозларни ажратиб бориши керак. Полифоник асар давомида мавзу ҳар хил овозга кўчиб ўтиши мумкин. Шу сабадан хор раҳбари овоз алмашинишларни вақтida кўрсатиб, ажратиб бориши шарт. Агар асар хор ва яккахон учун мосланган бўлса, овозларнинг бир-бирига нисбатан тенглиги сақланиб, яккахон овози ажралиши керак. Бу ҳолда хор яккахон овозини босиб кетмаслиги лозим. Асарни чолғу асбоблар жўрлигига ижро этганда хор ва оркестр садоланиши бир-бирига мувофиқ бўлиши керак.

Юқорида айтилган фикрларга якун ясаб шуни айтиш керакли, ансамблга бўлган талаб ижро этилаётган асарнинг барча томонига тегишилл ва айниқса, унинг тузилиши хусусиятлари (фактура, тесситура ва бошқалар)га боғлиқ. Бироқ хор сон ва сифат жиҳатдан тўғри тузилгандагина яхши ансамблга эришиш мумкин, яъни барча партияларда хонандалар сони тенг ва улар ансамблъ бўлиб ижро этишга яхши тайёрланган бўлса, хорнинг умумий ансамбли ҳосил қилинган деб ҳисоблаш мумкин. Овозларнинг сифат тенглиги йўқолса, сон жиҳатдан камайтириш мумкин; айрим партияларда овозлари кучсиз хонандалар кўп бўлса, ижрочилар сони

оширилади. Ҳар бир хор ижрочисини яхши ривожланган ансамбль ҳиссига эга бўлиши катта аҳамиятга эга, фақат шундай бўлгандагина хор ансамблида юксак натижаларга эришиш мумкин.

ВОКАЛ-ХОР МАЛАҚАЛАРИНИ ҮСТИРИШ УЧУН МАШҚЛАР

Вокал-хор ижро малакаспни эгаллашда хор коллективлари учун маҳсус машқлар катта рољ ўйнайди. Бу машқлар турлича бўлиб, ҳар хил мақсадларни кўзда тутади: нафасни мустаҳкамлаш, овозни ривожлантириш, унинг равонлигини, ҳарактчанлигини таъминлаш, диапазонини кенгайтириш, товуш ҳосил қилишда ягона усульнин қўллаш, соф интонацияни юзага келтириш, гармоник уқувни ўстириш, дикция аниқлигига эришиш ва бошқалар. Хуллас, бу машқлар хонандаларга ифодали ижронинг техник ва бадий усулларини эгаллашга ёрдам беради. Айрим машқлар комплекс ҳарактерга эга бўлиб, турли малакаларни бараварига ривожлантиради. Кундалик машқлар билан шуғулланилмаса асар ижро этишини ўрганиш жараёни чўзилиб кетади. Машқлар музика материалы ҳамда техник вазифаларга кўра пухта ва хилма-хил танланиши лозим. Бошланишда оддий машқлар танланиб, астасекин мураккабига ўта бориши керак. Машқлар ўрта динамикада (секин) эркин нафас алманишида ижро этилади.


Машғулот ёки концерт ижроси олдидан қўлланиладиган вокал-хор машқлари овозларни куйлашга тайёрлаш («распевание») дейилади. Бундай машқлар овоз аппаратларини ишга тушириш учун муҳим аҳамиятга эга. Овозларни куйлашга тайёрлаш машқлари раҳбар белгилаган вазифага кўра 10—15 минут давом этади. Овозларни куйлашга тайёрлашни чолғу асбоб жўрлигига ва жўрсиз ўтказиш мумкин. 1) Чолғу асбоб қўлланилганда хонандалар учун товуш созлигини текшириб туришга имкон яратилади; 2) Овозни куйлашга тайёрлаш чолғу асбобисиз ўтказилса, хонанданинг ички уқуви ўткирлашади. Мақсадга қараб икката овозни ҳам куйлашга тайёрлашдан фойдаланиш мумкин, аммо иккинчи турини кўпроқ қўллаган маъқул.

Хор билан машғулот вокал-хор машқларидан бошланади, якунловчи repetицияда ёки концерт ижросига чиқишидан олдин овозни куйлашга тайёрлашдан фойдаланиш керак. Бундай тартиб хор қатишчилари активлигини бирмунча оширади. Қўйида турли техник вазифаларга эга бўлган бир неча машқлар тавсия этилади.

№29 1. Узлуксиз садоланишга эришиш ("узлуксиз нафас"):



2. Однинча-хейки алмашыш *legato* жа *staccato*



3. Умумий оқандың ұлаттығы зориши:



4. Регастрларды бараворлаш:



5. Диапазондың көнтәйтіріші:



6. Интоң үстіндегі ишлемші:

(Орнаменттер)



(Орнаменттер)

C.	
A.	
T.	
B.	

7. Дөнжесе

До мажер

(Орнаменттер)

C.	
A.	
T.	
B.	

T S D T

АМАЛИЙ ТОПШИРИҚЛАР

I. Қуйидаги асарларда нафас ва товуш йұналиш хусусиятлари-ни характерлаб беринг:

- 1) «Сайра»— М. Бурхонов қайта ишлаган;
- 2) А. Новиков. «Мать Олега Кошевого» («Олег Кошевойнинг онасин»);

3) Д. Аракишвили. «О поэте» («Шоир ҳақида»);

4) М. Ашрафий. «Дилором» операсидан зиндондаги хор.

II. Қуйидаги асарларда дикция мураккаблигини аниқланг:

- 1) С. Танееев. «Посмотри какая мгла» («Ажойиб субҳидам»);
- 2) А. Бородин. «Князь Игорь» операсидан Ярославнанинг қиз-лар билан сағнаси;

3) Б. Умиджонов. «Лапар»;

4) «Бибигул»— М. Бурхонов қайта ишлаган.

III. Қуйидаги асарларда мелодик ва гармоник созланишни ха-рактерланг:

1) А. Егоров. «Песня» («Құшиқ»);

2) «Море в ярости стонало» («Денгиз ғазабдан инграр»)—

Б. Шехтер қайта ишлаган;

3) С. Бобоев. «Ленин ҳәёт»;

4) М. Бурхонов. «Сари күхи баланд».

IV. Қуйидаги асарларда хор ансамблиниң хусусиятини ха-рактерланг:

1) Л. Бетховен. «Весенний призыв» («Құклам чақириги»);

2) Б. Умиджонов. «Гүзал»;

3) С. Бобоев. «Чаман ичра»;

4) В. Шебалин. «Зимняя дорога».

V. Қуйидаги мисолларда ансамблга мос бўлмаган аккордлар-ни аниқлаб, ансамбль ҳосил қилиш йўлларини кўрсатинг:

БАНГ

N.30

Moderato

A. Ализаде

The musical score is for voice and piano. It features five staves: C, A, T, B, and E. The vocal parts (A, T, B, E) are in soprano range, while C is in alto. The piano part (C) is in basso continuo range. The score is in common time. The vocal parts enter sequentially, starting with A. The lyrics 'Гал- мышам' are written below the vocal parts. The piano part provides harmonic support with sustained notes and chords. The dynamics indicated include *mp*, *f*, and *p*.

"АЛЛОМА" конкретесиден

№31

Allegretto.

M. Гафов

C. A. T. B.

о

-го- да у-зок

-да сари-

A.71.43

№32

Andante

C. Тан

ff

ff

ff

ff

C. A. T. B.

ходит

ходит

V БОБ

АСАРНИ ХОРГА УРГАТИШ МЕТОДИКАСИ

Хор билан муваффақиятли ишлаш шартларидан бири дирижёрнинг ўрганилаётган асарни пухта ўзлаштиришидир.

Дирижёрнинг хор асари устида ишлаш жараёни икки даврдан иборат:

- 1) олдиндан партитура билан танишиш;
- 2) асарни хор билан тайёрлаш.

ДИРИЖЁРНИНГ ПАРТИТУРАНИ УРГАНИШИ

Партитурани ўрганишга киришишда дирижёр композитор ва текст автори ижоди билан танишмоғи, кейин адабий текстни дик-қат билан ўрганиб, тузилишини анализ қилиши керак. Бу ишлар амалга ошгандан сўнг дирижёр партитурани ёдлаши керак. Шуннингдек, фортепианода ифодали чала билиш, барча овозларни, гармоник йўналишларни, хор партияларининг муқаддимасини кўйлай олиши ва шу кабилар талаб қилинади. Партитуранинг фортепианодаги садосини хор садоланишига яқинлаштиришга интилиш зарур: 1) бас партиясини хор асоси сифатида бир оз ажратиб чалиш; 2) барча цезура¹, жумлалаштиришни бажариш, кўйни ажратиш; 3) боғлиқ ҳолда ижро эта билиш (*legato*), фортепиано педалини чекланган ҳолда қўллаш; 4) кўрсатилган динамика, суръат ва бошқа белгиларга риоя қилиш.

Таниқли рус хор дирижёри Н. Данилин: «Дирижёр партитура ни қандай чалса, хор шундай кўйладайди», — деб айтган эди.

Партитура овозларини кўйлаш вақтида дирижёр унинг ўзига хос томонларини батафсил ўрганади ва ижроси қийин бўлган жойларини аниқлайди. Овозлар кўйлаган вақтида дирижёр интонациянинг аниқ ва ишончли чиқишига эрйшмоги лозим. Кейин барча аккордларни вертикал ҳолда ижро этиб, мураккаб қисмларини аниқлайди. Асарнинг мазмунини, асосий образлар характеристики ҳар томонлама ўргангандан кейин музикавий назарий қилиб, асарнинг шакли, лад-тоналлик жиҳатини, кўй ва гармоник тилини, метр-ритм тузилиши хусусиятларини, суръатини, фактурасини (гармоник, гомофон-гармоник, полифоник) белгилаб олади. Бундан ташқари, дирижёр музикалинг ривожтаниш йўналишини ўрганиб, бутун асарнинг авж даражасини, айрим бўлимлар ва айрим

¹ Цезура (юнонча *caesura*) — кўйларда пауза, тўхтам.

қисмларининг авжини топиши, динамик планини белгилаши зарур. Сўнг вокал-хор таркибини анализ (таҳлил), яъни овозларнинг диапазони ва тесситураси билан танишиши, тесситура шароитлари ва фактура хусусиятларига асосланиб, ансамбль турларини, нафас ва дикция хусусиятларини, интонация мураккабликларини, товуш йўналишларини аниқлаши зарур. Музикавий назарий ва вокал-хор таркибини анализ қилгандан кейин дирижёр асарнинг ижро этиш планини тузиши керак. Шу муносабат билан хор садоланишининг музикавий ифода воситалари масаласи юзага келади: динамика, агогика, безак, нюансларни белгилаш, жумлалаштириш, адабий текстнинг музика билан боғланиши, дирижёрлик усуллари ва бошқалар. Асарни хорга ўргатишга тайёргарликнинг охирги поғонаси хор репетиция ишларининг (машғулот) планини тузишдан иборат.

АСАРНИ ХОРГА ЎРГАТИШ

Асар устида ишлашни хор коллективига асар тўғрисида умумий тушунча беришдан бошлаш яхшироқ. Танишишни фортелияно ижросида ёки граммофон ёзуви ва бошқа қўлланмалар орқали ўтказиш мумкин. Хорга асар тўғрисида, унинг ижро хусусиятлари, мураккаблиги тўғрисида тушунча бериш фойдалидир. Олдиндан хор партиялари учун ноталар тайёрланган, дирижёр томонидан пухта текширилган бўлиши керак (ижрочилик белгилари, рақамларга бўлинниши). Асарнинг дастлабки таҳлили дирижёр ихтиёрида ва асар ҳажмига боғлик; ўрганиш бутун хор ижросида ёки айrim группалар, партиялар ижросида ўтказилади.

Асар ўрганиш (ижроси) аста-секин бўлинма-бўлим, қисмма-қисм, даврма-давр, жумлама-жумла, иборама-ибора олиб борилади.

Мураккаб интонация тузилишига эга бўлган асарни ўрганишда, яхшиси, партияларни сольфеджиолаштиришдан бошлаб, кейин сўз билан куйлаш мақсадга мувофиқдир. Тез суръатда ёзилган асарларни ўрта, ҳатто секин суръатда ўрганилса, белгиланган барча мураккаб вазифаларни амалга оширишга ёрдам беради. Кейин аста суръатни тезлаштира бориб, бир нечта машғулотдан сўнг ўз суръатига тушириш лозим. Овозларни толиқтираслик, хонандалар эътиборини аниқ интонация қилишдан чалғитаслик учун асарни ўрганиш давомида баланд овозда ва зўриқиб куйлашга йўл қўймаслик зарур. Ўрганиш бошида асосан соғ садога эришишга интилиб, шу билан бир қаторда нафасни йўлга қўйини, товуш ҳосил қилишини ва дикцияни бир-бирига узвий боғлаш устида ишлаш керак. Ўрганишнинг охирги поғонасида бадний-ижрочилик вазифалари асосий ўрин эгаллади.

Хор билан ишлашда раҳбарнинг шахсий ижрочилик қобилияти катта аҳамиятга эга, яъни у фақатгина сўз орқали тушунтирмай, овоз имконларини ишга солиб, куйлаш усулларини кўрсатиши лозим.

Якунловчи ўрганиш даврида асарнинг музикавий образ ифода-
сининг энг аниқ бадиий воситаларини излаш устида иш олиб бо-
рилади. Албатта, у ёки бу ифода воситаларини танлаш тасодифий
ёки тўсатдан бўлмайди; ҳар бир конкрет ҳолда музика мазмунни,
характерига кўра ва шу билан бирга ижрочининг эмоционал ха-
рактери билан белгиланади¹.

АМАЛИЙ ТОПШИРИҚЛАР

I. Қуйидаги асарларни ўрганиш учун репетиция плани тузилен-
син:

- 1) Вик. Калинников. «Зпма» («Қиши»);
- 2) П. Чесноков. «Нескжатая полоса» («Ўрилмаган шилтоқи»);
- 3) Б. Умиджонов. «Жангчи қабрида»;
- 4) С. Юдаков. «Менинг Ватаним» кантатасидан III қисм.

ТАВСИЯ ҚИЛИНУВЧИ АДАБИЁТЛАР

1. Л. В. Свешников. «Хоровое пение — искусство истинно народное». М., 1962.
2. Л. Локшин. «Выдающиеся русские хоры и дирижёры». М., 1969.
3. В. А. Гудкова. «Узбекская хоровая литература». Т., 1974.
4. П. Г. Чесноков. «Хор и управление им». М., 1952.
5. Г. Дмитриевский. «Хороведение и управление хором». М., 1957.
6. В. И. Краснощеков. «Вопросы хороведения». М., 1969.
7. К. Пирогов. «Руководство хором». М., 1964.
8. И. Левидов. «Охрана и культура детского голоса». Л., 1939.
9. Г. Малинина. «Вокальное воспитание детей». М., 1967.
10. И. Полтавцев, М. Светозаров. «Курс чтения хоровых партитур». ч. 1. М., 1963.
11. Е. Гудкова, А. Васильева. «Ашула дарслиги методикаси», 1-қисм, Т., 1963. II қисм, Т., 1973.

¹ Ушбу қўлланмада дирижёрлик асослари баёни кўрилмайди.

МУНДАРИЖА

Кириш	3
Хор ижроилиги музика санъати тури сифатида	3
Рус хор санъати тарихидан	4
-- да хор санъатининг ривожланиши	5
Узбекистонда хор санъатининг ривожланиши	7
I боб	
Хорларнинг турлари ва кўринниши	9
Хорнинг сон жиҳатидан таркиби	14
Хорни саҳнада жойлаштириш	14
Амалий топшириқлар	16
II боб	
Овоз аппарати ва унинг ишлаш принциби	17
Овоз гигиенаси	20
Амалий топшириқлар	21
III боб	
Хонанда овози ва унинг характеристикаси	22
Тинглаш учун тавсия ҳиллинадиган асарлар	27
IV боб	
Вокал-хор малакалари	29
Хонанданинг туриш ҳолати	29
Нафас	29
Товуш ҳосия қилинш	30
Товуш йўналиши турлари	32
Дикция	33
Хор ижроилиги малакаси	34
Погона баландлигини аниқлаш	37
Ансамбль	37
Вокал-хор малакаларини ўстириш учун машқлар	40
Амалий топшириқлар	42
V боб	
Асадни хорга ўргатиш методикаси	44
Амалий топшириқлар	46

НАИРА ШАРАФИЕВА

ХОРШУНОСЛИК

"Asian Book House" нашриёти,
Авиасозлар кўчаси, 1-115

